



SAMÞYKKTIR 76. ÍPRÓTTAÞINGS ÍSÍ 2023

Í þessi skjali eru samþykktar tillögur frá 76. Íþróttabingi ÍSÍ sem haldið var að Ásvöllum í Hafnarfirði föstudaginn 5. maí og laugardaginn 6. maí 2023.

18 tillögur lágu fyrir þinginu, en ein tillaga frá KSÍ og KKÍ hafði borist fyrir þingið en var dregin til baka, þingskjal 16. Þá lá tillaga frá BFSÍ fyrir þinginu, um breytingu á skiptingu tekna frá Íslenskri getsþá. Eftir nefndarstörf á föstudegi var sú tillaga dregin til baka, þingskjal 14.

Frávísunartillaga kom á þinginu við tillögu um breytingu á lögum ÍSÍ, grein 17.5 og var hún samþykkt. Sú frávísunartillaga innihélt einnig tillögu um heildstæða endurskoðun á regluverki ÍSÍ.

Kjörnir voru 7 aðilar til fjögurra ára í framkvæmdastjórn ÍSÍ auk þess að staðfestur var fulltrúi íþróttamannanefndar ÍSÍ í framkvæmdastjórn ÍSÍ til tveggja ára. Þá var kosið í dómstól og áfrýjunardómstól ÍSÍ, kjörnefnd ÍSÍ og kosnir skoðunarmenn reikninga.

Nöfn þeirra sem hlutu kosningu má einnig finna aftar í þessu skjali.

Þingskjal 1

Tillaga um nýja heiðursfélaga ÍSÍ

76. Íþróttabing ÍSÍ, haldið 5. til 6. maí 2023, að Ásvöllum í Hafnarfirði, samþykkir að kjósa eftirfarandi einstaklinga heiðursfélaga Íþróttá- og Ólympíusambands Íslands:

- Anna R. Möller
- Elsa Jónsdóttir
- Guðmundur Þ. Harðarson
- Magnús Jakobsson
- Sigríður Jónsdóttir
- Sveinn Áki Lúðvíksson
- Þór Í. Vilhjálmsson

Þingskjal nr. 2

Tillaga um breytingar á lögum ÍSÍ

76. Íþróttabing ÍSÍ, haldið 5. til 6. maí 2023, að Ásvöllum í Hafnarfirði, samþykkir eftirfarandi lög ÍSÍ.

LÖG ÍPRÓTTA- OG ÓLYMPÍUSAMBANDS ÍSLANDS





1. KAFLI – SKIPULAG

1. grein

- 1.1. Sambandið heitir Íþróttá- og Ólympíusamband Íslands, skammstafað ÍSÍ. Það er æðsti aðili frjálsrar íþróttastarfsemi í landinu, sbr. ákvæði íþróttalaga.
- 1.2. Varnarþing og heimili sambandsins er í Reykjavík.
- 1.3. Íþrótt er ástundun líkamlegrar þjálfunar til keppni og heilsuræktar.
- 1.4. ÍSÍ starfar sjálfstætt og ber að hafna öllum þrýstingi, hvort sem hann er af pólitískum, trúarlegum eða efnahagslegum toga, svo sem kveðið er á um í Ólympíusáttmálanum.
- 1.5. Sem landssamband á Íslandi, er nýtur viðurkenningar Alþjóðaólympíu nefndarinnar (the International Olympic Committee – IOC) og heyrir Ólympíuhreyfingunni til, tekst ÍSÍ á hendur að sínu leyti og fyrir hönd framkvæmdastjórnar sinnar og allra sambandsaðila að virða Ólympíusáttmálann, reglur IOC og Alþjóðalyfjareglurnar og að hlíta ákvörðunum aðalfunda Alþjóðaólympíu nefndarinnar.
- 1.6. Í samræmi við tilgang sinn og markmið sem landssamband heitir ÍSÍ því:
 - a) Að leggja lið aðgerðum í þágu friðar og vinna að því að efla stöðu kvenna í íþróttum og íþróttamálum á grundvelli jafnréttis.
 - b) Að styðja og efla virðingu siðareglna í íþróttum.
 - c) Að berjast gegn lyfjamisnotkun í íþróttum.
 - d) Að berjast gegn hagræðingu úrslita í íþróttum.
 - e) Að sýna ábyrgð varðandi sjálfbærni í íþróttastarfi.
- 1.7. Aðilar sem falla undir lög þessi skulu setja sér reglur sem leggja bann við veðmálum þeirra sem taka þátt í leikjum, með beinum eða óbeinum hætti, í tengslum við eigin leiki eða eigin mót. Þá skulu reglurnar leggja bann við því að heimilt sé að veita upplýsingar um íþróttir í þeim tilgangi að hafa áhrif á veðmál og fela í sér fjárhagslegan vinning.

2. grein – Sambandsaðilar

- 2.1. ÍSÍ er landssamband héraðssambanda/íþróttabandalaga og sérsambanda.
- 2.2. Aðilar að héraðssamböndum/íþróttabandalögum eru félög sem hafa iðkun íþróttá á stefnuskrá sinni.
- 2.3. Aðilar að sérsamböndum eru héraðssamböndin/íþróttabandalögin.

3. grein – Héraðssambönd/íþróttabandalög - Sérsambönd

- 3.1. Héraðssambönd/íþróttabandalög eru mynduð eftir legu og aðstöðu til samvinnu um iðkun íþróttá.
- 3.2. Sérsambönd eru mynduð um ákveðnar íþróttagreinar og eru landsamtök allra héraðssambanda/íþróttabandalaga, sbr. kafla 6, sem hafa iðkun þeirrar íþróttagreinar á stefnuskrá sinni.
- 3.3. Þau félög innan hvers héraðssambands/íþróttabandalags sem leggja stund á sömu





íþróttagrein, geta myndað sérráð sbr. kafla 8.

- 3.4. Aðeins má viðurkenna eitt sérsamband fyrir hverja íþróttagrein. Er þá við miðað, að það samband verði eða geti orðið aðili að alþjóðasérsambandi fyrir þá íþróttagrein, er njóti viðurkenningar Alþjóðaólympíunefndarinnar.
- 3.5. Ólympísk sérsambönd eru þau sambönd, er eiga aðild að viðurkenndu alþjóðasérsambandi fyrir íþróttagreinar, sem eru á dagskrá Ólympíuleikanna. Ber þessum samböndum að halda uppi virkri starfsemi á sviði íþróttagreinar sinnar heima fyrir og á alþjóðavettvangi, einkum með því að skipuleggja og taka þátt í keppnismótum og sjá fyrir kerfisbundinni þjálfun íþróttamanna.

4. grein – Tilgangur og markmið

- 4.1. Tilgangur sambandsins er að:
 - a) Efla, samræma og skipuleggja íþróttastarfsemi, sbr. íþróttalög.
 - b) Stuðla að þróun afreksíþróttar svo og almenningsíþróttar (íþróttar fyrir alla).
 - c) Annast samstarf um íþróttamál við ríkisvaldið og aðrar lögmætar stofnanir að þeirri viðleitni að virkja íþróttir í þágu mannkyns.
 - d) Vera fulltrúi Íslands í íþróttamálum almennt gagnvart öðrum þjóðum.
 - e) Kynna grundvallaratriði Ólympíuhugsjónarinnar á vettvangi íþróttaiðkunar hér á landi og stuðla með öðrum hætti að útbreiðslu hennar, meðal annars með kynningu hugsjónarinnar innan vébanda íþróttakennslu og skólaíþróttar og fyrir tilstuðlan stofnana, er helgi sig fræðslu um Ólympíuhreyfinguna. Ennfremur með því að hlutast til um stofnun Ólympíuakademíu og Ólympíusafns og aðra menningarstarfsemi, sem tengd er Ólympíuhreyfingunni.
 - f) Tryggja að Ólympíusáttmálinn sé virtur á Íslandi.
 - g) Mynda, skipuleggja og leiða sendinefndir Íslands á Ólympíuleikunum og á svæðaleikum, álfuleikum og fjölíþróttahleikunum, sem haldnir eru undir vernd Alþjóðaólympíunefndarinnar. ÍsÍ tekur ákvörðun um þátttöku íþróttamanna, sem tilnefndir hafa verið af viðkomandi sérsamböndum. Það tilnefndir fararstjóra og ber ábyrgð á hegðun þeirra, sem sendir eru til leikanna.
 - h) Stuðla að þjálfun leiðtoga í íþróttum með skipulagningu námskeiða, er taki mið af grundvallaratriðum Ólympíuhugsjónarinnar.
 - i) Berjast gegn hvers kyns mismunun og ofbeldi í íþróttum, hvort sem um er að tefla mismunun vegna kynþáttar, trúarbragða, stjórnmálaskoðana, kynferðis, kynhneigðar eða af öðrum toga.
 - j) Berjast gegn notkun hvers kyns efna og aðferða sem bönnuð eru af IOC eða alþjóðasérsamböndum. Gera ráðstafanir sem hafa að markmiði að koma í veg fyrir að heilsu íþróttamanna sé stefnt í hættu, í samræmi Alþjóðalyfjareglurnar.
 - k) Samþykkja og framkvæma Alþjóðalyfjareglurnar og tryggja með því að stefnur, Alþjóðalyfjareglur og lyfjareglur Lyfjaeftirlits Íslands, aðildar- og/eða fjármögnunarkröfur og verklagsreglur um meðferð niðurstaðna séu í samræmi við Alþjóðalyfjareglurnar og virði öll hlutverk og ábyrgðarsvið íþróttasamtaka sem eru skráð í Alþjóðalyfjareglurnar.
 - l) Vinna að því að tryggja að í íþróttum ríki heiðarleiki.





- m) Taka þátt í starfsemi Ólympíusamhjalparinnar.
 - n) Afla tekna er gera sambandinu kleift að halda fullu sjálfstæði. Tekjuöflun skal þó fara fram í samræmi við Ólympíusáttmálann og með þeim hætti að ekki rýri virðingu eða sjálfstæði ÍSí.
 - o) Stuðla að góðum stjórnarháttum innan íþróttahreyfingarinnar.
- 4.2. Sem landssamband innan Ólympíuhreyfingarinnar hefur ÍSí það markmið að tryggja framgang og verndun Ólympíuhreyfingarinnar hér á landi, í samræmi við Ólympíusáttmálann. Að þessu skal meðal annars unnið með því að halda uppi góðu samstarfi við stjórnvöld og við önnur frjáls samtök eða stofnanir. Aldrei má ÍSí þó tengjast við starfsemi eða athafnir, sem brjóta myndu í bága við Ólympíusáttmálann.
- 4.3. ÍSí hefur eitt heimild til að koma fram af Íslands hálfu á Ólympíuleikunum og á svæðaleikum, álfuleikum og öðrum fjölíþróttahleikunum, sem haldnir eru undir verndarvæng Alþjóðaólympíunefndarinnar. Jafnframt ber ÍSí skylda til að taka þátt í sumarólympíuleikum með því að senda þangað íþróttamenn.

2. KAFLI RÉTTINDI OG SKYLDUR FÉLAGA

5. grein – Starfsskilyrði í íþróttahreyfingunni

- 5.a) Óheimilt er að velja einstaklinga sem vitað er til að hafi hlotið refsídóma vegna brota á ákvæðum XXII. kafla almennra hegningarlaga, nr. 19/1940 til starfa innan íþróttahreyfingarinnar. Þetta gildir bæði um þá einstaklinga sem starfa sem sjálfboðaliðar og launþegar. Sama gildir um þá sem hlotið hafa refsídóm fyrir brot gegn lögum um ávana- og fíkniefni, nr. 65/1974, á síðastliðnum fimm árum.
- 5.1. Félag verður aðili að ÍSí með inngöngu í hlutaðeigandi héraðssamband/íþróttabandalag.
- 5.2. Skilyrði fyrir inngöngu í héraðssamband/íþróttabandalag eru að:
- a) Félagið hafi iðkun íþróttar sem samþykkt hefur verið af framkvæmdastjórn ÍSí á stefnuskrá sinni.
 - b) Félagið standi ekki fyrir iðkun íþróttar sem framkvæmdastjórn ÍSí telur að geti vegna eðlis og markmiðs íþróttarinnar valdið heilsutjóni.
 - c) Rekstur íþróttafélags sé einskorðaður við hagsmuni þess og þeirrar starfsemi sem tengist iðkun íþróttar og sé ekki í hagnaðarskyni.
 - d) Lög félagsins gangi hvorki í berhögg við lög og reglur ÍSí né hlutaðeigandi héraðssambands/íþróttabandalags og hafi hlotið staðfestingu þeirra. Allar síðari lagabreytingar skulu staðfestar af stjórn hlutaðeigandi héraðssambands/íþróttabandalags og framkvæmdastjórn ÍSí.
 - e) Fylgst sé með viðkomandi félagi af hlutaðeigandi héraðssambandi/íþróttabandalagi. Ef málefni sem þarfnast skoðunar er á forræði sérsambands ÍSí, þá skal leita ráðgjafar hjá sérsambandi viðkomandi íþróttar.





- f) Félagsaðild sé ávallt öllum frjáls og ekki séu aðrar takmarkanir á þátttöku í félagsstarfi en þær sem ytri aðstæður, t.d. þjálfunaraðstæður, leyfa.
 - g) Félagið haldi skrá yfir félagsmenn sína og iðkendur. Skráning félagsaðildar tekur gildi þegar viðkomandi hefur verið skráður í félagatal félagsins og að sama skapi tekur úrsögn gildi þegar viðkomandi hefur verið skráður úr félaginu. Það er á ábyrgð félagsmanns að ganga úr skugga um að skráning/afskráning hafi átt sér stað hjá félaginu.
 - h) Félagsmenn hafi allir sama rétt, þ.m.t. atkvæðisrétt um málefni félagsins, sbr. þó 7. gr.
 - i) Nafn félagsins samrýmist íslensku máli og málvenju. Leitast skal við að velja ekki nafn á félagið sem er þegar í notkun hjá félagi/félögum á Íslandi.
 - j) Félagið sé óháð erlendum samtökum um allt annað en alþjóðaíþróttareglur enda gangi þær hvorki í berhögg við lög ÍSí né reglur Alþjóðaolympíunefndarinnar, IOC.
 - k) Félagið sé skráður lögaðili.
- 5.3. Með inntökubeiðninni skal félagið senda lög og aðrar samþykktir sínar, félagatal, ásamt upplýsingum um stjórn, helstu nefndir og um stofndag félagsins.
- 5.4. Hafi félagið á stefnuskrá sinni iðkun íþróttar, sem hefur ekki áður verið stunduð innan aðildarfélags ÍSí skal viðkomandi héraðssamband/íþróttabandalag vísa umsókninni til ákvörðunar framkvæmdastjórnar ÍSí.
- 5.5. Hafi félagið á stefnuskrá sinni fleiri en eina íþróttagrein er félaginu heimilt að stofna deild um hverja þeirra, samanber lög viðkomandi félags. Stofnun deilda skal tilkynna til viðkomandi héraðssambands-/íþróttabandalags og viðkomandi sérsamband. Aðalstjórn félags fer með æðsta vald í félaginu milli aðalfunda og ber ábyrgð á starfi og fjárhag félagsins í heild.
- 5.6. Félögum er heimilt að eiga tímabundið samstarf um sameiginlegt keppnislið og skal það þá koma fram í heiti sameiginlega liðsins. Gera skal skriflegan samning um slíkt samstarf, þar sem m.a. skal kveða á um ábyrgð samstarfsfélaganna og hvernig skráningu iðkenda er háttað innan félaga. Slík keppnislið skulu ekki vera með skráða iðkendur eða stjórnarmenn, heldur skulu þeir einungis vera skráðir í samstarfsfélögin.

6. grein – Synjun á aðild

- 6.1. Neiti héraðssamband/íþróttabandalag félagi um inngöngu, má skjóta máli því til úrskurðar framkvæmdastjórnar ÍSí.

7. grein – Kjörgengi - kosningaréttur

- 7.1. Kjörgengi og kosningarétt til Íþróttþings og til ársþinga sambandsaðila ÍSí hafa allir lögráða félagsmenn.

8. grein – Skýrslur

- 8.1. Fyrir 15. apríl árlega skulu sambandsaðilar ÍSí skila starfsskýrslu síðasta árs, sem meðal annars inniheldur féлага- og iðkendatal síðasta almanaksárs í gegnum





félagakerfi íþróttahreyfingarinnar sem ÍSÍ leggur til. Aðili, sem ekki skilar skýrslum í tæka tíð missir rétt til þátttöku í Íþróttapingi, svo og í opinberum íþróttamótum þar til skýrslum hefur verið skilað eða samið við framkvæmdastjórn um stuttan frest til þess. Við beitingu þessarar greinar skal leitast við að refsingu sé beitt gagnvart þeim aðila, deild, félagi eða sambandi sem ábyrgð bera á því að skýrslu er ekki skilað.

9. grein – Úrsögn sambandsaðila

- 9.1. Sambandsaðili sem segir sig úr ÍSÍ, telst ganga úr sambandinu frá upphafi næsta reikningsárs. Úrsögn er því aðeins gild, að hún hafi verið samþykkt með 4/5 hluta atkvæða viðstaddra atkvæðisbærra fulltrúa á lögmætu ársþingi viðkomandi sambandsaðila.

3. KAFLI – STJÓRN ÍSÍ

10. grein

- 10.1. Íþróttta- og Ólympíusambandi Íslands er stjórnað af:
- Íþróttapingi,
 - framkvæmdastjórn ÍSÍ,
 - framkvæmdaráði.
- 10.2. Reikningsár ÍSÍ er almanaksárið.

11. grein – Íþróttaping

- 11.1. Íþróttaping er æðsta vald um málefni ÍSÍ.
- 11.2. Íþróttaping skal haldið annað hvert ár, á tímabilinu 1. mars til 1. júní. Skal það auglýst með þriggja mánaða fyrirvara og ítrekað síðar. Framkvæmdastjórn ákveður fundarstað. Kjör eða tilnefning fulltrúa til setu á Íþróttapingi fer sérstaklega fram fyrir hvert þing.
- 11.3. Eigi síðar en 2 vikum fyrir Íþróttaping skal senda aðilum dagskrá þingsins, reikninga, fjárhagsáætlun, tillögur sem borist hafa ásamt þeim tillögum sem framkvæmdastjórn hyggst leggja fyrir þingið.
- Framlagning gagna fyrir og á Íþróttapingi má vera á rafrænu formi, verði því við komið.
- 11.4. Tillögur sem óskast teknar fyrir á Íþróttapingi, skulu hafa borist framkvæmdastjórn 4 vikum fyrir þingsetningu.
- 11.5. Á Íþróttapingi skal kjósa 5 manna kjörnefnd og tvo til vara, sem starfar til loka næsta þings. Tilkynningar um framboð skulu berast kjörnefnd eigi síðar en 3 vikum fyrir Íþróttaping. Hafi ekki nægilegur fjöldi gefið kost á sér á þeim tíma, er kjörnefnd heimilt að framlengja framboðsfrestinn enda sé það tryggilega tilkynnt sambandsaðilum. Hafi, þrátt fyrir það, eigi borist næg framboð skal kjörnefnd hlutast til um að afla nauðsynlegs fjölda framboða.





Til að tilkynning um að framboð teljist löglegt skal eitt ólympískt sérsamband og eitt héraðssamband eða íþróttabandalag hafa lýst yfir stuðningi við það.

Kjörnefnd er eftirlitsaðili með kosningum.

12. grein

- 12.1. Á Íþróttapíngi eiga sérsambönd fulltrúa samkvæmt eftirgreindum reglum og iðkendafjölda síðastliðins almanaksárs:
- Sérsamband sem hefur 999 iðkendur eða færri á 1 fulltrúa.
 - Sérsamband sem hefur 1.000 - 4.999 iðkendur á 2 fulltrúa.
 - Sérsamband sem hefur 5.000 - 9.999 iðkendur á 3 fulltrúa.
 - Sérsamband sem hefur 10.000 - 14.999 iðkendur á 4 fulltrúa.
 - Sérsamband sem hefur 15.000 - 19.999 iðkendur á 5 fulltrúa.
 - Sérsamband sem hefur 20.000 iðkendur eða fleiri á 6 fulltrúa.
- Sérsamband sem hefur einungis einn fulltrúa á Íþróttapíngi, á rétt á að auki einum áheyrnarfulltrúa sem hefur tillögurétt og málfrelsi en ekki atkvæðisrétt. Hvert sérsamband má kjósa jafnmarga varamenn og nemur fulltrúatölu þess.
- 12.2. Héraðssambönd og íþróttabandalög eiga samanlagt jafn marga fulltrúa á Íþróttapíngum og sérsambönd fá samkvæmt grein 12.1. Skiptast fulltrúar á héraðssamböndin og íþróttabandalögin í hlutfalli við fjölda iðkenda samkvæmt iðkendatali síðastliðins almanaksárs fyrir Íþróttapíng. Þó skal hvert héraðssamband og íþróttabandalag fá að lágmarki 1 fulltrúa á Íþróttapíng.
- Héraðssamband/íþróttabandalag sem hefur einungis einn fulltrúa á Íþróttapíngi, á rétt á að auki einum áheyrnarfulltrúa sem hefur tillögurétt og málfrelsi en ekki atkvæðisrétt. Hvert héraðssamband/íþróttabandalag má kjósa jafnmarga varamenn og nemur fulltrúatölu þess.
- 12.3. Á Íþróttapíngi skulu þessir fulltrúar einnig eiga sæti með atkvæðisrétt:
- Fulltrúar Alþjóðaólympíunefndarinnar á Íslandi, ef um er að ræða. Fulltrúi, sem kjörinn er til setu í nefndinni á grundvelli þess, að hann eigi ríkisfang og búsetu eða aðalbækistöð sína á Íslandi, skal einnig eiga sæti í framkvæmdastjórn ÍSí, sbr. gr. 17.1.
- Kjörinn fulltrúi í Alþjóðaólympíunefndinni, heiðursfélagi hennar eða félagi, sem nefndin hefur heiðrað með aðild, má ekki eiga sæti á Íþróttapíngi eða í framkvæmdastjórn ÍSí, hafi honum verið vísað úr nefndinni.
- Tveir fulltrúar íþróttamannanefndar ÍSí.
- 12.4. Allir fulltrúar skulu vera tilgreindir á kjörbréfi frá viðkomandi sambandsaðila og skal kjörbréfum skilað inn til skrifstofu ÍSí eigi síðar en 2 vikum fyrir Íþróttapíng.
- 12.5. Rétt til setu á Íþróttapíngi með málfrelsi og tillögurétt hafa:
- a) framkvæmdastjórn og framkvæmdastjóri
 - b) heiðursforseti og heiðursfélagar
 - c) formaður dómstóls ÍSí og forseti áfrýjunardómstóls ÍSí
 - d) formenn fastanefnda
- Auk þess getur framkvæmdastjórn boðið öðrum aðilum þingsetu ef hún telur ástæðu til.





- 12.6. Einfaldur meirihluti atkvæða ræður úrslitum mála nema annað segi í lögum þessum um tiltekin mál eða málaflokka. Þegar teknar eru ákvarðanir varðandi ráðstöfun lottótekna, þarf samþykki 2/3 hluta viðstaddra atkvæðisbærra fulltrúa. Enginn fulltrúi getur farið með fleiri en þrjú atkvæði og þá eingöngu fyrir það samband/bandalag sem hann er fulltrúi fyrir á þinginu. Kjörnir fulltrúar í stjórn ÍSÍ og kjörnir fulltrúar dómstóla geta ekki farið með atkvæðisrétt á Íþróttþingi.
- 12.7. Við afgreiðslu á málum er tengjast Ólympíuleikum, Ólympíuleikum ungmenna, Smáþjóðaleikum, Ólympíuhátíð Evrópuæskunnar, Evrópuleikum, Heimsstrandarleikum ANOC og Ólympíusamhjálpinni gilda aðeins atkvæði ólympísku sérsambandanna, enda hafi meirihluti ólympískra sérsambanda samþykkt það. Komi slík krafa fram skulu ólympísku sérsamböndin greiða um það atkvæði áður en mál er tekið til afgreiðslu.
- Við slíkar atkvæðagreiðslur hefur hvert ólympískt sérsamband eitt atkvæði og fara sömu fulltrúar ólympískra sérsambandanna og lýst geta yfir stuðningi við framboð skv. gr. 11.5. með atkvæði sérsambandanna.
- Komi ekki fram krafa um að ólympísku sérsamböndin greiði ein atkvæði eða hafi slík krafa ekki hlotið stuðning meirihluta ólympísku sérsambandanna skulu gilda sömu reglur um meðferð þessara mála og um önnur mál. Verði ágreiningur um það hvort mál tengist ofangreindum ólympísku málaflokkum skal þingforseti úrskurða um það. Bera má úrskurð þingforseta undir Íþróttþingið og við þá atkvæðagreiðslu skulu fulltrúar ólympísku sérsambandanna fara með meirihluta atkvæða.
- 12.8. Það samræmist ekki stöðu ÍSÍ sem samtaka á sviði frjálsrar íþróttastarfsemi, að opinber stjórnvöld tilnefni fulltrúa á Íþróttþing með atkvæðisrétti. Á hinn bóginn er sambandsaðilum frjálst að kjósa menn, er gegna stjórnunarstörfum í þágu ríkis eða sveitarfélaga, sem fulltrúa sína á Íþróttþingi. Hið sama á við um kjör eða tilnefningu fulltrúa samkvæmt gr. 12.3.
- 12.9. Fulltrúar á Íþróttþingi skulu ekki þiggja laun af neinu tagi vegna starfa sinna. Þessi meginregla hefur þó ekki áhrif á laun manna, sem gegna stjórnunarstörfum á sviði íþróttá.

13. grein – Dagskrá Íþróttþings

- 13.1. Dagskrá Íþróttþings skal vera eftirfarandi:
1. Forseti setur þing.
 2. Kjörnir 1. og 2. þingforseti.
 3. Kjörnir 1. og 2. þingritari.
 4. Kosning 5 manna kjörbréfanefndar.
 5. Kjöri Heiðursfélaga ÍSÍ lýst.
 6. Ávörp gesta.
 7. Lögð fram skýrsla framkvæmdastjórnar.
 8. Lagðir fram endurskoðaðir reikningar.
 9. Umræður og samþykkt reikninga.
 10. Kosning þingnefnda:





- a) Fjárhagsnefnd 5 manna.
 - b) Allsherjarnefnd 5 manna.
 - c) Laganefnd 5 manna.
 - d) Afreksnefnd 5 manna.
 - e) Aðrar nefndir skv. ákvörðun þings hverju sinni.
11. Stofnun nýrra sérsambanda.
 12. Lagabreytingatillögur.
 13. Móta- og keppendareglur ÍSí.
 14. Aðrar tillögur sem kynntar voru í fundarboði.
 15. Teknar fyrir tillögur og önnur mál sem lögð hafa verið fyrir þingið og þingmeirihluti leyfir.
 16. Kjörnefnd kynnir framboð.
 17. Þingnefndir starfa.
 18. Þingnefndir gera grein fyrir störfum sínum.
 19. Tillögur fjárhagsnefndar.
 20. Kosningar:
 - a) Framkvæmdastjórn sbr. 17. gr.
 - b) Staðfesting fulltrúa Íþróttamannanefndar ÍSí í framkvæmdastjórn, sbr. grein 17.1. c-lið.
 - c) Tveir skoðunarmenn og tveir til vara.
 - d) Sex dómara í dómstól ÍSí og sex dómara í áfrýjunardómstól ÍSí.
 - e) Kjörnefnd 5 manna og tveir til vara, sbr. grein 11.5Allar kosningar gilda fram að kosningu á næsta Íþróttþingi að undanskilinni kosningu til framkvæmdastjórnar er gildir til fjögurra ára. Þær skulu vera skriflegar nema aðeins sé stungið upp á jafnmörgum og kjósa skal.
 21. Þingslit.

14. grein – Aukaping

- 14.1. Aukaping skal kalla saman með a.m.k. mánaðar fyrirvara:
 - a) Eftir ákvörðun Íþróttþings.
 - b) Þegar a.m.k. helmingur sambandsaðila óskar þess.
- 14.2. Tillögur um málefni sem óskast tekin fyrir á aukapingi skulu hafa borist framkvæmdastjórn ÍSí 15 dögum fyrir þingsetningu.
- 14.3. Eigi síðar en 10 dögum fyrir aukaping skal senda aðilum dagskrá þingsins.
- 14.4. Á aukapingi má ekki gera breytingar á lögum eða öðrum reglum ÍSí né kjósa í stjórn þess, nema bráðabirgðastjórn, ef meiri hluti framkvæmdastjórnar hefur sagt af sér eða hætt störfum af öðrum ástæðum, eða stjórnin að eigin dómi hefur orðið óstarfhæf.
- 14.5. Fulltrúar á aukapingi eru þeir sömu og kjörnir voru til næsta reglulegs þings á undan





og gilda sömu kjörbréf. Kjósa má nýja fulltrúa í stað þeirra sem eru látnir, veikir eða hættir afskiptum af starfi þeirra sambandsaðila sem þeir voru fulltrúar fyrir.

14.6. Að öðru leyti gilda um aukapung sömu ákvæði og um reglulegt Íþróttapung.

15. grein – Formannafundur

15.1. Forseti skal boða til formannafundar á tímabilinu október til desember ár hvert. Formannafundur skal boða með minnst mánaðar fyrirvara, og dagskrárliðir kynntir eigi síðar en tveimur vikum fyrir fund. Formannafundur er ráðgefandi samkoma og er heimilt að álykta um málefni tengd starfsemi ÍSÍ og skulu þær ályktanir vera í samræmi við lög og stefnu sambandsins.

15.2. Formannafundur sækja:

a) Framkvæmdastjórn ÍSÍ.

b) Formenn og framkvæmdastjórnar héraðssambanda/íþróttabandalaga.

c) Formenn og framkvæmdastjórnar sérsambanda.

Í forföllum formanna héraðssambanda/íþróttabandalaga og sérsambanda taka varaformenn sæti í þeirra stað. Að öðrum kosti stjórnarmenn samkvæmt ákvörðun hlutaðeigandi stjórnar. Að auki getur framkvæmdastjórn boðið öðrum aðilum að sitja fundi ef hún telur ástæðu til.

15.3. Skyld er að boða til formannafundar ef helmingur formanna óskar þess skriflega.

15.4. Ferðakostnaður fundarmanna greiðist af ÍSÍ.

16. grein – Dagskrá formannafundar

16.1. Dagskrá formannafunda skal vera eftirfarandi:

1. Fundarsetning.

2. Kosning fundarstjóra og fundarritara.

3. Skýrsla framkvæmdastjórnar um liðið ár.

4. Fjármál ÍSÍ.

5. Umræður um skýrslu og fjármál.

6. Tillögur til kynningar um stofnun nýrra sérsambanda.

7. Framtíðarsýn.

8. Mál sem framkvæmdastjórn leggur fyrir formannafund hverju sinni.

9. Önnur mál.

10. Fundarslit.

17. grein – Framkvæmdastjórn

17.1. Í framkvæmdastjórn ÍSÍ eiga sæti:

a) Fulltrúi Alþjóðaólympíunefndarinnar (IOC) á Íslandi, hafi hann verið kjörinn í nefndina á grundvelli ríkisfangs og búsetu eða aðalbækistöðvar hér á landi.

b) 15 menn kosnir á Íþróttapungi.





Kosning fari þannig fram:

1. Forseti
 2. 14 meðstjórnendur. Kosning skal fara þannig fram að kjörtímabil er fjögur ár og skal helmingur meðstjórnenda kjörinn á hverju Íþróttapingi.
- c) Einn meðstjórnandi er tilnefndur af Íþróttamannanefnd ÍSÍ, skv. Reglugerð ÍSÍ um Íþróttamannanefnd ÍSÍ og samþykktur af Íþróttapingi ÍSÍ.
- d) Stjórnin velur sér 1. varaforseta, 2. varaforseta og gjaldkera úr sínum hópi. Falli forseti frá eða hættir á kjörtímabilinu tekur 1. varaforseti sæti hans fram að næsta Íþróttapingi. Sé forsetakjör ekki á dagskrá þess þings skal þrátt fyrir það kjörinn nýr forseti til tveggja ára. Hætti meðstjórnandi störfum eða falli hann frá skal kosinn meðstjórnandi í hans stað á næsta Íþróttapingi og skal kjörtímabil hans vera það sama og þess sem hann kemur í stað.
- e) Ný stjórn tekur til starfa við þingslit Íþróttapings.
- 17.2. Framkvæmdastjórnin heldur fundi eigi sjaldnar en einu sinni í mánuði. Milli funda annast framkvæmdaráð, þar sem sitja forseti, 1. varaforseti, 2. varaforseti og gjaldkeri um erindi sem berast framkvæmdastjórn og afgreiðslu þeirra. Framkvæmdastjóri sér um daglegan rekstur sambandsins. Forseti boðar til funda í framkvæmdastjórn. Komi til atkvæðagreiðslu á fundi framkvæmdastjórnar og atkvæði falla jöfn, þá skal atkvæði forseta ráða úrslitum.
- 17.3. Þeir sem kjörnir eru í framkvæmdastjórn skulu vera lögráða og ekki hafa á síðustu þremur árum hlotið dóm fyrir refsiverðan verknað samkvæmt almennum hegningarlögum eða lögum um hlutafélög, einkahlutafélög, bókhald, ársreikninga eða skattalögum. Þá skal bú þeirra ekki hafa verið tekið til gjaldprotaskipta á síðastliðnum þremur árum.
- 17.4. Þeir sem kjörnir eru í framkvæmdastjórn, mega ekki gegna formennsku í sérsambandi eða héraðssambandi/íþróttabandalagi. Hið sama gildir um formann Afrekssjóðs ÍSÍ.
- 17.5. Þinggerðir Íþróttapings, er lúta að kosningu til framkvæmdastjórnar, skulu sendar Alþjóðaólympíunefndinni í endurriti, sem forseti og framkvæmdastjóri ÍSÍ staðfesta fyrir þess hönd. Breytingar á skipan framkvæmdastjórnar á kjörtímabili hennar skulu tilkynntar með hliðstæðum hætti.

18. grein – Störf framkvæmdastjórnar

- 18.1. Helstu störf framkvæmdastjórnar eru þessi:
- a) Að fylgja eftir samþykktum Íþróttapings.
 - b) Að stýra málefnum ÍSÍ milli Íþróttapinga.
 - c) Að annast rekstur sambandsins.
 - d) Að sjá um viðskipti við innlenda og erlenda aðila um mál, sem ekki heyra undir sérsambönd.
 - e) Að fylgjast með störfum sérsambanda og héraðssambanda/íþróttabandalaga. Skal framkvæmdastjórn í þessu skyni:
 - f) Hafa fullan aðgang að bókhaldi og fylgiskjölum sambandsaðila og ef ástæða þykir





til getur framkvæmdastjórn tilnefnt sérstakan endurskoðanda fyrir sérsamband eða héraðssamband/íþróttabandalag og fyrirskipað ítarlega rannsókn á fjárreiðum viðkomandi sambandsaðila. Sambandsaðili getur krafist þess að bókhaldsgögn fari eingöngu um hendur löggilts endurskoðanda. Fylgjast með því að lögum og reglum ÍSí og sambandsaðila þess sé hlýtt. Fylgjast með því að þing/aðalfundir sambandsaðila séu haldnir og ef þörf krefur, annast um boðun og framkvæmd þeirra. Úrskurða í deilum á milli sambandsaðila.

- g) Að sjá til þess að samdar séu þær almennar reglur, er gilda skuli fyrir allar íþróttagreinar.
- h) Að semja og gefa út reglugerðir um störf nefnda.
- i) Framkvæmdastjórn getur ákveðið að gegna hlutverki sérsambandsstjórnar í þeim íþróttagreinum, þar sem sérsamband hefur ekki verið stofnað.
- j) Að banna þátttöku erlendra keppenda í mótum héraðs, telji framkvæmdastjórnin hana miður heppilegar fyrir hagsmuni heildarsamtakanna.
- k) Að staðfesta lög sambandsaðila.

19. grein – Skipun fastanefnda

- 19.1. Í upphafi starfstíma síns skipar framkvæmdastjórn fastanefndir og ráð sem sitja fram að næsta Íþróttþingi.

Þær fastanefndir sem skipa skal eru: Stjórn Afrekssjóðs, Heilbrigðisráð, Fjármálaráð, Laganefnd, Heiðursráð, Upplýsinga- og fjölmiðlanefnd og Alþjóðanefnd.

Að auki telst Íþróttamannanefnd ÍSí til fastanefnda en í hana er valið samkvæmt Reglugerð ÍSí um Íþróttamannanefnd ÍSí.

Aðrar nefndir eru skipaðar eftir því sem tilefni gefst til að mati framkvæmdastjórnar. ÍSí skal m.a. annast afreks- og Ólympíumál, þróunar- og fræðslumál, og málefni almenningsíþróttar. Ráðgjafahópa skal skipa eftir þörfum.

4. KAFLI – DÓMSTÓLAR ÍSÍ

4.1 Dómstólaskipan og sameiginleg ákvæði

20. grein – Dómstigin

- 20.1. Dómstig dómstóla Íþróttar- og Ólympíusambands Íslands (ÍSí) eru tvö, Dómstóll ÍSí og Áfrýjunardómstóll ÍSí. Nefnast þau einu nafni dómstólar ÍSí.
- 20.2. Dómstólar ÍSí hafa aðsetur í höfuðstöðvum ÍSí.
- 20.3. Dómstólar ÍSí hafa fullnaðarlögsögu yfir þeim málefnum sem koma upp innan íþróttahreyfingarinnar og sem varða lög og reglur Íþróttar- og Ólympíusambands Íslands (ÍSí), sérsambanda, héraðssambanda, íþróttabandalaga, aðildarféлага eða einstakra iðkenda eftir því sem við á.
- 20.4. Dómstóll ÍSí er fyrsta dómstig í málum sem upp koma innan íþróttahreyfingarinnar, sbr. þó grein 20.6 og er Áfrýjunardómstóll ÍSí æðsti dómstóll innan íþróttahreyfingarinnar.





- 20.5. Dómstólar ÍSí byggja niðurstöður sínar á lögum og reglum ÍSí og sambandsaðila þeirra sem og meginreglum íþróttaréttar.
- 20.6. Þrátt fyrir grein 20.3 er sérsamböndum innan Íþróttá- og Ólympíusambands Íslands heimilt að ákveða í lögum sínum að viðkomandi sérsamband hafi sérstaka dómstóla, undirdómstig og áfrýjunardómstig, innan viðkomandi sérsambands.
- Málefni sérsambanda heyra undir dómstóla ÍSí þar til lagabreyting sem tiltekur að viðkomandi sérsamband hafi tekið upp eigið dómstólakerfi með undirdómstigi og áfrýjunardómstigi, hefur verið staðfest af framkvæmdastjórn ÍSí.
- Dómstólar þeirra sérsambanda sem taka upp eigið dómstólakerfi skulu lúta dómstólareglum viðkomandi sérsambands og skulu öll ágreiningsmál er varða þá íþróttagrein rekin fyrir viðkomandi sérsambandsdómstólum. Lög ÍSí um dómstólaskipan skulu þó standa þeim til fyllingar, eftir því sem við getur átt.
- ÍSí skal á skrifstofu sinni halda skrá yfir þau sérsambönd sem hafa eigin dómstóla og skulu sérsambönd tilkynna án tafar allar breytingar sem verða á dómstólaskipan sinni.
- 20.7. Dómstóll ÍSí er þó ávallt fyrsta dómstig er varða brot á 2. grein og 10. grein í lyfjareglum Lyfjaeftirlits Íslands.

21. grein – Almenn hæfisskilyrði

- 21.1. Kjörnir dómárar dómstóla ÍSí skulu fullnægja eftirfarandi skilyrðum:
- a) að vera svo á sig komnir andlega og líkamlega að þeir geti gegnt embættinu,
 - b) að hafa lokið embættisprófi í lögum,
 - c) að hafa náð 25 ára aldri.
- 21.2. Meðdómárar sem taka sæti í dómstól ÍSí skulu hafa almenna þekkingu á íþróttalögum og málefnum íþróttahreyfingarinnar, eða aðra þá sérþekkingu sem nauðsynleg telst í viðkomandi máli.

22. grein – Vanhæfi

- 22.1. Dómári, þar á meðal meðdómári, er vanhæfur til að fara með mál ef:
- a) hann er aðili að málinu eða fyrirvarsmaður aðila,
 - b) hann hefur gætt réttar aðila varðandi sakarefnið eða veitt aðila leiðbeiningar um það, umfram skyldu sem dómárar hafa,
 - c) hann hefur borið eða verið kvaddur til að bera vitni um atvik málsins af réttmætu tilefni eða verið mats- eða skoðunarmaður um sakarefnið,
 - d) hann er eða hefur verið maki aðila, skyldur eða mægður aðila í beinan legg eða tengdur aðila með sama hætti vegna ættleiðingar,
 - e) hann tengist eða hefur tengst fyrirvarsmanni eða málflytjanda með þeim hætti er segir í d-lið,
 - f) hann tengist eða hefur tengst vitni í málinu með sama hætti og segir í d-lið,
 - g) hann hefur komið að úrlausn málsins á fyrri stigum þess,
 - h) fyrir eru hendi önnur atvik eða aðstæður sem eru fallnar til þess að draga





óhlutdrægni hans með réttu í efa, m.a. ef dómari eða náinn skyldmenni eru félagsbundin aðila máls.

- 22.2. Verði allir dómarar dómstóls vanhæfir til setu í dómsmáli skal framkvæmdastjórn ÍSÍ skipa dómara á stjórnarfundum sínum sem uppfyllir hæfisskilyrði til að fara með málið. Sé um fjölskipaðan dóm að ræða skal sá sem skipaður er af framkvæmdastjórn velja aðra dómara.

4.2 Dómstóll ÍSÍ

23. grein – Skipan dómsins

- 23.1. Dómarar dómstóls ÍSÍ skulu vera sex, kosnir á reglulegu íþróttapingi til setu í dómnum til næsta reglulega þings.
- 23.2. Á fyrsta dómara fundi eftir reglulegt íþróttaping skulu dómarar koma saman og kjósa dómsformann. Náist ekki niðurstaða með kosningu hver skuli kosinn formaður dómsins skal varpað hlutkesti milli þeirra sem flest atkvæði fá í kosningu. Þá skal kosinn fyrsti og annar varaformaður dómsins með sama hætti.
- 23.3. Dómurinn skal hafa starfsaðstöðu á skrifstofu ÍSÍ. Allar kærur skulu berast á skrifstofu dómsins. Formaður ákveður hver af hinum reglulegu dómurum fer með það mál sem er til meðferðar. Mál skal rekið þar sem hagkvæmast er fyrir aðila hverju sinni.
- 23.4. Einn dómari skal fara með hvert mál.
- 23.5. Í málum sem varða meint brot á 43. gr. laga ÍSÍ og þegar fram koma varnir af hálfu kærða ber dómara að kalla til tvo meðdómara í dóminn og skal a.m.k. annar þeirra hafa lokið háskólaprófi í læknisfræði eða öðrum lífvísindum. Nú telur dómari þörf á meðdómurum, þrátt fyrir að varnir hafi ekki komið fram, og er honum þá einnig heimilt, í samráði við formann dómsins, að kalla til tvo meðdómara. Meðdómarar þurfa ekki að vera löglærðir.

24. grein – Kærufrestur

- 24.1. Kærufrestur til dómstóls ÍSÍ er sjö virkir dagar og skal talið frá og með deginum eftir að atvik það, sem kært er þar við eða ástandi lauk ef um ástandsbrott er að ræða séu ekki skemmri frestir ákveðnar í lögum viðkomandi sérsambands. Í málum er varða brot á 45. grein laga ÍSÍ skal kærufrestur þó vera fjórar vikur frá því að öll gögn málsins berast ákærunefnd Lyfjaeftirlits Íslands.
- 24.2. Dómstóll ÍSÍ getur veitt leyfi til að mál sé höfðað eftir að kærufrestur er liðinn ef sérstakar ástæður eru fyrir hendi.
- 24.3. Sé máli vísað frá dómi hefur kærandi frest í fimm virka daga til að skjóta málinu aftur fyrir dómstólinn. Frestur skal byrja að líða þegar frávísun berst kæranda og almennir frídagar skulu ekki telja með.

25. grein – Meðalganga og upplýsingagjöf

- 25.1. Telji aðili að mál varði mikilsverða hagsmuni hans, er honum heimilt að beina þeirri kröfu til dómsins að hann verði aðili málsins. Krafa þessi þarf að koma fram svo fljótt sem verða má og eigi síðar en við aðalflutning málsins.





26. grein – Form og efni kæru

- 26.1. Kæra skal vera skrifleg. Dómstóll ÍSÍ skal láta útbúa sérstakt eyðublað sem nota má sem kæru. Eyðublað þetta skal liggja frammi á skrifstofu ÍSÍ.
- 26.2. Eftirfarandi upplýsingar skulu koma fram í kæru:
- Nafn, kennitala og heimilisfang kæranda.
 - Nafn kærða, kennitala og heimilisfang.
 - Nafn fyrirsvarsmanns kæranda, heimilisfang hans, símanúmer, númer myndsendis og netfang.
 - Greinargóð lýsing á því hvaða kröfur eru gerðar í málinu.
 - Lýsing helstu málavaxta.
 - Tilvísun til þeirra lagareglna sem við eiga.
 - Lýsing á helstu röksemdum aðila málsins.
 - Lýsing á þeim gögnum sem kærandi byggir mál sitt á, ásamt ljósriti af þeim gögnum.
 - Upptalning á þeim vitnum sem kærandi mun kalla til skýrslutöku.
- 26.3. Kæra, ásamt fylgigögnum, skal send dóminum í tveimur eintökum.

27. grein – Málsmeðferð

- 27.1. Mál telst höfðað með því að kæra berst á skrifstofu ÍSÍ. Kærandi á rétt á því að fá kvittun fyrir móttöku kærunnar.
- 27.2. Formaður dómsins skal svo fljótt sem hægt er taka afstöðu til þess hvort einhverjir formgallar samkvæmt 26. gr., eða skortur á aðild/aðildarhæfi, geri að verkum að málið sé ekki tækt til meðferðar. Séu slíkir gallar á málinu skal dómsformaður vísa málinu frá dómi með úrskurði.
- 27.3. Telji dómsformaður að málið sé réttilega höfðað og innan kærufrests skal hann innan tveggja virkra daga ákveða hvaða dómari skuli fara með málið.
- 27.4. Sé dómsformaður forfallaður skulu varaformenn annast þau verkefni sem til falla í þeirri röð sem þeir eru kosnir.
- 27.5. Dómari sem fær mál til meðferðar skal án tafar senda kærða (varnaraðila) áskorun um að halda uppi vörnum í málinu ásamt afriti af kærinni. Áskorunina skal senda með ábyrgðarbréfi eða á annan sannanlegan hátt. Almennt skal frestur til að skila greinargerð ekki vera lengri en ein vika. Greinargerð varnaraðila skal uppfylla þau skilyrði er koma fram í 26. grein, eftir því sem við getur átt.
- 27.6. Hver aðili skal hafa rétt á tülki við skýrslugjöf ef dómstóllinn telur þörf á því. Dómstóllinn metur hverju sinni á hvorn aðila kostnaður af slíkri þjónustu fellur.
- 27.7. Dómari getur óskað eftir skriflegum athugasemdum frá sérsambandi eða öðrum þeim sem málið varðar.
- 27.8. Þegar dómari hefur móttekið greinargerð varnaraðila, skal hann boða til þinghalds, þingfesta málið og ákveða framhald þess, þ.m.t. hvort málið skal flutt munnlega eða skriflega. Ef mál er ekki munnlega flutt skal aðilum gefinn stuttur frestur til að skila skriflegum athugasemdum. Dómari getur ákveðið annan hátt á málsmeðferð eftir





þingfestingu.

- 27.9. Dómur skal kveðinn upp innan 10 virkra daga frá því að málflytningi lauk eða málið var tekið til efnismeðferðar/úrskurðar.
- 27.10. Birta skal aðilum dóm eða úrskurð á ábyrgðarbréfi eða á annan sannanlegan hátt, ef þeir eru ekki viðstaddir dómsuppsögn og skal þá jafnframt greint frá heimild aðila til áfrýjunar, áfrýjunarfresti og hvert áfrýja megi.
- 27.11. Tilkynna skal alla dóma um óhlutgengi félagi hins dómfellda og viðkomandi héraðssambandi/íþróttabandalagi og viðkomandi sérsambandi, ef um einstakling er að ræða, en hlutaðeigandi samtökum íþróttahreyfingarinnar, ef dómþoli er félag.

28. grein – Lokað þinghald

- 28.1. Þinghald skal háð í heyranda hljóði. Hvort sem aðili krefst þess eða ekki getur dómari ákveðið að þinghald fari fram fyrir luktum dyrum, telji hann það nauðsynlegt:
- a) til hlífðar aðila eða öðrum sem málið varðar,
 - b) af velsæmisástæðum.
- 28.2. Ákvörðun skal tilkynnt málsaðilum svo fljótt sem auðið er og greint frá því af hverri ástæðu hún var tekin ásamt rökstuðningi þess efnis. Ákvörðun þessi verður ekki endurskoðuð af æðri dómstól nema að kröfu aðila við áfrýjun máls sbr. grein 28.4.
- 28.3. Hafi dómari samkvæmt grein 28.1. lokað þinghaldi skal niðurstaða dómstólsins aðeins birt hafi persónuupplýsingar og aðrar viðkvæmar upplýsingar sem fram koma í málinu verið afmáðar úr dómnum. Við sérstakar aðstæður er dómara heimilt að ákveða að aðeins verði birtur útdráttur úr dómi með helstu málsatvikum og niðurstöðu ef afmáning persónuupplýsinga dugir ekki til að halda viðkvæmum persónuupplýsingum leyndum sem almennt skuli fara leynt með.
- 28.4. Sé máli skotið til Áfrýjunardómstóls ÍSÍ hefur áfrýjunardómstóllinn heimild til að endurmeta ákvörðun dómara Dómstóls ÍSÍ um lokað þinghald enda krefjist aðili þess fyrir æðri dómstól að þinghald sé opið.

29. grein – Flýtimeðferð máls

- 29.1. Telji formaður dómsins augljóst við skoðun á kæru sem honum berst, að brotið hafi verið gegn lögum og reglum íþróttahreyfingarinnar, er honum heimilt að beina þeirri kröfu til gagnaðila, að hann upplýsi innan sólarhrings hvort hann hyggst hafa varnir uppi í málinu og hverjar þær varnir séu. Komi í ljós að engar varnir verða hafðar uppi í málinu eða ef framkomnar varnir eru bersýnilega tilgangslausar er honum heimilt með úrskurði að dæma kæranda í hag.
- 29.2. Heimilt er að skjóta úrskurði samkvæmt gr. 29.1. til Áfrýjunardómstóls ÍSÍ. Fer um það skv. 35. gr.

30. grein – Tilnefning talsmanns fyrir dómi

- 30.1. Hver málsaðili á rétt á málssvara á eigin kostnað við meðferð málsins fyrir dómstólum ÍSÍ.





- 30.2. Telji dómurinn að hætta sé á að málsstaður annars málsaðila verði fyrir tjóni vegna þess að hann er ekki fær um að koma sínum sjónarmiðum að í málinu, getur formaður dómsins upplýst framkvæmdastjóra ÍSí um slíkt. Framkvæmdastjóri ÍSí skal þá skipa aðila til að gæta hagsmuna viðkomandi málinu.

31. grein – Kæuréttur

- 31.1. Rétt til kæru hefur hver sá, einstaklingar, félag og félagasamtök, sem misgert er við og hagsmuni hafa af niðurstöðu máls.
- 31.2. Sérsambönd, héraðssambönd/íþróttabandalög og félög geta höfðað mál vegna allra atriða er varða viðkomandi sérsamband, héraðssamband/íþróttabandalag eða félag.
- 31.3. Framkvæmdastjórn ÍSí, getur höfðað mál vegna allra brota á reglum ÍSí.
- 31.4. Lyfjaeftirlit Íslands getur höfðað mál vegna brota á 45. grein.

32. grein – Sættir

- 32.1. Dómari leitar sátta ef aðilar fara með forræði á sakarefni nema hann telji víst að sáttatilaun verði árangurslaus vegna eðlis málsins, afstöðu aðila eða annarra ástæðna.
- 32.2.1. Dómari getur synjað aðilum um að gera dómssátt ef hann telur ólögmætt að gera hana, efni hennar óljóst eða ómögulegt að efna hana. Dómari kveður upp úrskurð um þetta ef þess er krafist.
- 32.2.2. Dómssátt má gera um hluta máls. Verður það þá rekið áfram að öðru leyti. Ef sátt tekst um annað en málskostnað skal hann ákveðinn með úrskurði.
- 32.2.3. Sátt má gera um kröfur þótt þær hafi ekki verið gerðar fyrir dómi. Framkvæmdastjórn ÍSí, getur höfðað mál vegna allra brota á reglum ÍSí.
- 32.3. Dómssátt fyrir dómi skal birt eins og aðrar úrlausnir dómstólsins.

4.3 Áfrýjunardómstóll ÍSí

33. grein – Skipan dómsins

- 33.1. Í áfrýjunardómstól ÍSí skulu eiga sæti sex dómarar kosnir af reglulegu íþróttapingi til setu í dómnum til næsta reglulega þings.
- 33.2. Forseti dómsins og varaforseti skulu kosnir á fyrsta dómarafundi eftir reglulegt íþróttaping. Verði atkvæði jöfn við kosningu, skal varpað hlutkesti milli þeirra sem flest atkvæði fá í kosningu.

34. grein – Fjöldi dómara

- 34.1. Þrjú dómarar skulu dæma hvert mál fyrir dómstólnum. Forseti dómsins skal ákveða hverju sinni hvaða þrjú dómarar skuli fara með mál. Forseti, eða varaforseti í forföllum hans, skal úrskurða um hæfi einstakra dómenda.

35. grein – Áfrýjun

- 35.1. Heimilt er að skjóta til áfrýjunardómstóls ÍSí, dómum og úrskurðum dómstóls ÍSí.





- 35.2. Þar sem sérsamband ákveður að hafa sérstaka dómstóla þá verður málum þeirra ekki skotið til áfrýjunardómstóls ÍSí. Þó er heimilt að áfrýja þeim málum áfrýjunardómstóla sérsambanda sem varða Ólympíusáttmálann eða túlkun á honum. Áfrýjunardómstóll ÍSí ákveður í þessum tilvikum hvort kæruatriði séu þess eðlis að hann eigi um þau að fjalla. Ef áfrýjunardómstóllinn hafnar kæruatriðum áfrýjanda er málinu endanlega lokið.
- 35.3. Frestur til að áfrýja máli til áfrýjunardómstólsins skal vera ein vika frá því að aðila máls var fyrst kunnugt um niðurstöðu málsins, en þó eigi síðar en 4 vikum eftir að dómur undirréttar var upp kveðinn.
- 35.4. Sá sem hyggst áfrýja máli skal senda áfrýjunardómstólnum sérstaka greinargerð þar sem lýst er þeim sjónarmiðum sem áfrýjandi byggir á ásamt gögnum málsins.
- 35.5. Eftirtaldir aðilar hafa áfrýjunarrétt í málum er varða brot á 2. gr. í lyfjareglum Lyfjaeftirlits Íslands af hálfu íþróttamanns:
- hinn ákærði,
 - ákærunefnd Lyfjaeftirlits Íslands,
 - Alþjóða Lyfjaeftirlitsstofnunin World Anti-Doping Agency, WADA,
 - viðkomandi alþjóðlegt sérsamband,
 - annar framkvæmdaraðili lyfjaeftirlits, sem hefði getað farið fram á refsingu yfir ákærða samkvæmt eigin reglum,
 - Alþjóðaólympíunefndin eða eftir atvikum Alþjóðaólympíunefnd fatlaðra.

36. grein – Ný gögn og málsmeðferðarreglur

- 36.1. Ný gögn skulu ekki lögð fram fyrir áfrýjunardómstól. Vitna og aðilaskýrslur skulu ekki fara fram.
- 36.2. Dómstólnum er heimilt að víkja frá ákvæði 1. mgr. þegar sérstaklega stendur á.
- 36.3. Málsmeðferðarreglur kafla 4.2 laganna skulu gilda um áfrýjunardómstól ÍSí eftir því sem við á.

4.4 Almenn ákvæði

37. grein – Tegundir brota

- 37.1. Undir dómstóla ÍSí heyra öll brot á lögum ÍSí, sérsambanda, héraðssambanda/íþróttabandalaga og félaga samkvæmt þeim lögum og reglum er um það gilda sbr. þó 2. ml. 1. mgr. 20. gr. og auk þess:
- Brot gegn móta- og leikreglum.
 - Að láta skrá íþróttamann til keppni gegn vilja hans eða að honum forspurðum.
 - Að koma ekki til leiks án löglegra forfalla, ef hlutaðeigandi íþróttamaður hefur látið skrá sig til keppni.
 - Að blekkja eða reyna að blekkja starfsmann í leik eða óhlýðnast fyrir mælum sem hann gefur stöðu sinni samkvæmt.
 - Að koma ósæmilega fram við eða ögra starfsmanni meðan á mótum eða





- sýningu stendur eða síðar sakir atvika, sem þar gerðust.
- e) Að taka þátt í keppni eða sýningu með eða undir forsjá aðila, félags eða einstaklings, sem úrskurðaður hefur verið óhlutgengur, enda hafi óhlutgengisúrskurðurinn verið birtur samkvæmt grein 27.10 og 27.11.
2. Brot gegn íþróttasamtökum.
 - a) Að bera yfirvöld, einstaklinga eða félög innan íþróttahreyfingarinnar röngum sökum eða kæra þau að ástæðulausu.
 - b) Að blekkja eða reyna að blekkja yfirvald innan íþróttahreyfingarinnar með röngum skýrslum, eða villandi upplýsingum.
 - c) Að koma ósæmilega fram við, ögra eða hafa í hótunum við yfirvald innan íþróttahreyfingarinnar vegna atvika sem standa í sambandi við trúnaðarstörf yfirvaldsins fyrir íþróttahreyfinguna.
 3. Brot gegn áhugamannareglum sérsambanda ÍSí.
 4. Brot út á við, sem valda íþróttahreyfingunni álitshnekki.
 - a) Að koma svo fram, að íþróttunum sé álitshnekkir að.
 - b) Brot gegn hegningarlögunum, sem hafa í för með sér sviptingu borgaralegra réttinda.
 5. Brot gegn reglum ÍSí um keppnisferðir.

38. grein – Dómsniðurstöður

- 38.1. Dómstólar ÍSí geta í dómsorði auk efnisniðurstöðu m.a. kveðið á um eftirfarandi réttindi og skyldur til aðila málsins:
 - a) Dæmt mót ógild og eftir atvikum dæmt að mót skuli endurtekið.
 - b) Dæmt leiki ógilda, látið endurtaka þá eða dæmt um úrslit þeirra.
 - c) Ákvarðað dagsektir gagnvart aðildarfélögum, héraðssamböndum/íþróttabandalögum og sérsamböndum en ekki einstaklingum. Dagsektir renni til ÍSí.
 - d) Ákveðið sektir á félög og sérsambönd.
 - e) Málskostnað, ef málsgrundvöllur telst vera tilefnislaus.
- 38.2. Þær refsingar sem dómstólar ÍSí geta beitt eru:
 - a) Áminning.
 - b) Vítur.
 - c) Óhlutgengi.
 - i) Útilokun frá þátttöku í æfingum, keppnum og sýningum innan íþróttahreyfingarinnar, tímabundið eða ævilangt
 - ii) Svipting réttar til að gegna trúnaðarstörfum innan íþróttahreyfingarinnar (hefur ekki í för með sér missi almennra félagsréttinda eða keppnisréttar) tímabundið eða ævilangt.
 - d) Aðrar refsingar er lög eða reglur sérsambanda, héraðssambanda/íþróttabandalaga og félaga tiltaka.





- 38.3. Ef verulegar líkur eru til að ætla að íþróttamaður verði úrskurðaður óhlutgengur skv. grein 38.2. c-lið og brýna nauðsyn ber til, er dómstól ÍSÍ heimilt að úrskurða um bráðabirgðabann við þátttöku hans í æfingum, keppnum og sýningum á vegum sambandsaðila ÍSÍ eða félaga eða deilda innan þeirra og við því að hann gegni trúnaðarstörfum innan íþróttahreyfingarinnar, enda hafi komið fram rökstudd krafa um það frá aðila sem kærurétt hefur skv. 31. gr. Meðferð slíkra mála skal vera skv. 29. gr. Bráðabirgðabannið tekur gildi frá þeim tíma sem íþróttamanninum er tilkynnt um það. Hafi ekki verið ákært og dæmt í málinu þegar fjórar vikur eru liðnar frá þeim tíma, skal dómstóll ÍSÍ taka ákvörðun um hvort bráðabirgðabannið verður framlengt eða fellt úr gildi. Heildarlengd bráðabirgðabanns má þó aldrei verða meiri en lengd þess refsitíma sem ætla má að lokadómur í hverju máli kveði á um. Útgáfa, framlenging eða niðurfelling bráðabirgðabanns skal tilkynnt skriflega íþróttamanninum, félagi hans og sérsambandi því er hann heyrir undir, með sannanlegum hætti. Hafi íþróttamaður verið úrskurðaður í bráðabirgðabann áður en hann er dæmdur til refsingar skv. gr. 38.2. c-lið skal lengd þess koma til frádráttar þeim refsitíma sem lokadómur í málinu kveður á um.

39. grein – Þingbækur/Dómabækur

- 39.1. Við dómstóla ÍSÍ skulu vera haldnar sérstakar þingbækur, sem mega vera á rafrænu formi. Við fyrirtöku máls skal rita skýrslu í þingbók um það sem fram fer, hvaða gögn eru lögð fram, hverjir mæta í máli og hvað er afráðið um rekstur máls. Í þingbók skal jafnframt færa þær ákvarðanir sem teknar eru í málinu. Efni þingbókar skal að jafnaði ekki birt almenningi.
- 39.2. Við dómstóla ÍSÍ skal haldin sérstök dómabók, sem má vera á rafrænu formi, sem hefur að geyma uppkveðna dóma og úrskurði. Dómabók skal vera aðgengileg á heimasíðu ÍSÍ.

40. grein – ÍSÍ sérsamband

- 40.1. Framkvæmdastjórn ÍSÍ í þeim greinum, sem ÍSÍ er sérsamband fyrir, og stjórnir sérsambanda, í sínum greinum, geta kveðið upp óhlutgengisúrskurði yfir íþróttamönnum, sem brotlegir eru, en skylt er að skjóta slíkum úrskurðum til Dómstóls ÍSÍ sem ber þegar að taka slík mál fyrir.

41. grein – Niðurfelling refsingar

- 41.1. Íþróttþingi er heimilt með minnst 2/3 greiddra atkvæða að fella niður refsingu eða veita dæmdum aðila full réttindi að nýju innan íþróttahreyfingarinnar.

5. KAFLI HEILBRIGÐIS- OG LYFJAMÁL

42. grein – Heilbrigðisráð

- 42.1. Framkvæmdastjórn ÍSÍ skipar 5 menn í Heilbrigðisráð ÍSÍ til tveggja ára í senn og skal a.m.k. einn þeirra vera læknir.
- 42.2. Hlutverk Heilbrigðisráðs ÍSÍ er:





- a) Að vera framkvæmdastjórn og sambandsaðilum til ráðgjafar varðandi heilbrigðismál íþróttamanna.
- b) Að vera til ráðgjafar varðandi fræðslu er lýtur að heilbrigðismálum íþróttamanna.
- c) Að vera ráðgefandi vegna skipulags á heilbrigðisþjónustu við íþróttamenn og hópa sem taka þátt í alþjóðlegum mótum á vegum ÍSí eða njóta styrkja úr Afrekssjóði ÍSí.

43. grein – Lyfjaeftirlit Íslands

- 43.1. Framkvæmdastjórn ÍSí skipar tvo menn í stjórn Lyfjaeftirlits Íslands til tveggja ára í senn.

44. grein

- 44.1. Lyfjaeftirlit Íslands skipuleggur og fer með eftirlit með lyfjamisnotkun íþróttamanna, ásamt því að fara með ákærvald í málum er varða brot á Lyfjareglum Lyfjaeftirlits Íslands.

45. grein

- 45.1 Lyfjareglur Lyfjaeftirlits Íslands skulu byggðar á Alþjóðalyfjareglunum (World Anti Doping Code), sem gefnar eru út af Alþjóðalyfjaeftirlitinu (World Anti Doping Agency, WADA).

6. KAFLI HÉRAÐSSAMBÖND OG ÍÞRÓTTABANDALÖG

46. grein

- 46.1. Samkvæmt íþróttalögum er landinu skipt í íþróttahéruð. Í hverju íþróttahéraði skal vera eitt héraðssamband/íþróttabandalag allra íþróttafélaga í héraðinu til að vinna að hinum ýmsu hagsmunamálum þeirra.
- 46.2. Hlutverk héraðssambanda/íþróttabandalaga er:
 - a) Að stjórna sameiginlegum íþróttamálum héraðsins og vera þar fulltrúi ÍSí, en sérráð, er stofnuð eru, fara með stjórn sérgreinamála innan héraðsins.
 - b) Að annast samstarf um íþróttamál við sveitar- og bæjarstjórnir og aðra opinbera aðila innan héraðs.
 - c) Að varðveita og skipta milli félaganna því fé, sem til þess hefur verið veitt í því skyni.
 - d) Að aðstoða við skipulag, undirbúning og framkvæmd íþróttamóta í héraði.
 - e) Að hafa frumkvæði um eflingu íþróttastarfs innan héraðs.
 - f) Að staðfesta lög/lagabreytingar aðildarfélaga og halda utan um staðfest lög félaga og skila yfirliti til ÍSí yfir lög aðildarfélaga í lok hvers árs.
 - g) Að tilkynna ÍSí og viðkomandi sérsambandi um stofnun nýrra félaga og deilda.
 - h) Að fylgjast með því að starfsemi aðildarfélaga fari fram skv. gildandi lögum þeirra





og íþróttahreyfingarinnar í heild. Í því skyni skal héraðssamband/íþróttabandalag hafa fullan aðgang að bókhaldi og fylgiskjölum aðildarfélaga/sérráða sinna og ef ástæða þykir til getur stjórn viðkomandi héraðssambands/íþróttabandalags tilnefnt sérstakan skoðunarmann reikninga fyrir félagið og fyrirskipað ítarlega rannsókn á fjárreiðum viðkomandi aðildarfélags/sérráðs. Aðildarfélag/sérráð getur krafist þess að bókhaldsgögn fari eingöngu um hendur löggilts endurskoðanda.

i) Að tryggja góða stjórnarhætti innan héraðssambandsins/íþróttabandalagsins.

46.3. Vanræki aðildarfélag að halda aðalfund á tilsettum tíma, skal stjórn héraðssambandsins/íþróttabandalagsins, ef þörf krefur, boða til fundarins og sjá um framkvæmd hans.

Árþingi héraðssambands/íþróttabandalags er heimilt, hafi íþróttafélag ekki farið að lögum og/eða fyrirmælum þess, að ákveða að víkja félaginu úr héraðssambandinu/íþróttabandalaginu.

Ákveði árþing héraðssambands/íþróttabandalags að víkja félagi úr því er héraðssambandinu/íþróttabandalaginu skylt að tilkynna það til ÍSÍ og viðkomandi sérsambands/sérsambanda.

47. grein

47.1. Héraðssambandi/íþróttabandalagi er stjórnað af:

a) Héraðsþingi

b) Héraðsstjórn

47.2. Lög héraðssambands/íþróttabandalags og lagabreytingar, sem gerðar kunna að verða, skulu lagðar fyrir framkvæmdastjórn ÍSÍ til staðfestingar.

47.3. Héraðsþing skal halda ekki sjaldnar en á tveggja ára fresti. Þing héraðssambanda/íþróttabandalaga er ekki heimilt að halda á sömu dögum og íþróttþing eða formannafundur ÍSÍ fara fram.

47.4. Í lögum héraðssambanda/íþróttabandalaga skulu vera ákvæði um eftirfarandi:

a) Héraðsþing séu boðuð með auglýsingu og/eða tilkynningu með eigi minna en eins mánaðar fyrirvara.

b) Hvert aðildarfélag og sérráð eigi rétt á að tilnefna fulltrúa á Héraðsþing skv. nánari reglum þar um í lögum héraðssambandsins/íþróttabandalagsins.

c) Val fulltrúa miðist við félagsmenn samkvæmt félagatali síðastliðins almanaksárs.

d) Ákvæði um dagskrá þingsins.

e) Skriflegt fundarboð (síðara fundarboð) með dagskrá og upplýsingum um tillögur og mál sem leggja á fyrir Héraðsþing skuli senda aðildarfélögum, sérráðum og öðrum sem rétt eiga til þingsetu með eigi minna en einnar viku fyrirvara.

f) Við atkvæðagreiðslu almennra mála og í kosningum ráði einfaldur meirihluti atkvæða viðstaddra atkvæðisbærra fulltrúa en til lagabreytinga þurfi 2/3 hluta sömu fulltrúa.





7. KAFLI SÉRSAMBÖND

48. grein

- 48.1. Sérsamband er samband héraðssambanda/íþróttabandalaga í hlutaðeigandi íþróttagrein. Sérsamband hefur heimild til að hafa bein boðskipti við þau félög sem hafa iðkun íþróttagreinar viðkomandi sérsambands á stefnuskrá sinni.
- 48.2. Sérsamband er æðsti aðili innan ÍSÍ um sérfræðileg málefni íþróttagreinar sinnar.
- 48.3. Sérsamband skal senda ÍSÍ árlega starfsskýrslu.
- 48.4. Hlutverk sérsambanda er í meginatriðum:
- Að vinna að stofnun nýrra sérráða og efla á annan hátt viðkomandi sérgrein í landinu.
 - Að setja nauðsynlegar reglur, löggilda dómara, ráðstafa landsmótum og staðfesta met.
 - Að veita héraðssamböndum og íþróttabandalögum stuðning við að fylgjast með aðildarfélögum þeirra, ef málefni sem þarfnast skoðunar heyra undir viðkomandi sérsamband.
 - Að vera fulltrúi íþróttagreinar sinnar gagnvart erlendum aðilum og sjá um að reglur varðandi greinina séu í samræmi við alþjóðareglur.
 - Að tryggja góða stjórnarhætti innan sérsambandsins.

49. grein

- 49.1. Sérsambandi er stjórnað af:
- Sérsambandsþingi.
 - Sérsambandsstjórn.
- 49.2. Sérsambandsþing skal halda ekki sjaldnar en á tveggja ára fresti. Óheimilt er að halda þau á sömu dögum og Íþróttáþing eða formannafundur ÍSÍ fara fram.
- 49.3. Í lögum sérsambanda skulu vera ákvæði um eftirfarandi:
- Sérsambandsþing séu boðuð með auglýsingu og/eða tilkynningu með eigi minna en eins mánaðar fyrirvara. Fundarboð skal senda þeim aðilum sem eiga rétt á fulltrúa/fulltrúum á þingið samkvæmt lögum viðkomandi sérsambands.
 - Val fulltrúa á sérsambandsþingi miðist við fjölda iðkenda, félaga eða keppenda eða eftir annarri aðferð sem viðkomandi sérsamband ákveður og framkvæmdastjórn ÍSÍ samþykkir. Stjórn hvers héraðssambands/íþróttabandalags, sem hefur viðkomandi íþróttagrein innan sinna vébanda, skal þó eiga rétt á a.m.k. einum áheyrnarfulltrúa með málfrelsi og tillögurétt á sérsambandsþing til viðbótar við fulltrúa félaga innan viðkomandi héraðssambands/-íþróttabandalags.
 - Dagskrá sérsambandsþings sé ákveðin í lögum.
 - Skriflegt fundarboð (síðara fundarboð) með dagskrá og upplýsingum um tillögur og mál sem leggja á fyrir sérsambandsþing, skuli senda viðkomandi aðilum með eigi minna en tveggja vikna fyrirvara.





- e) Við afgreiðslu almennra mála og í kosningum ráði einfaldur meirihluti atkvæða viðstaddra atkvæðisbærra fulltrúa, en til lagabreytinga þurfi 2/3 hluta sömu fulltrúa.

50. grein

- 50.1. Skytt er framkvæmdastjórn ÍSí að hafa forgöngu um stofnun sérsambands, ef eftirfarandi skilyrði eru uppfyllt:
- a) Einstaklingsíþróttagrein
Íþróttin er stunduð í íþróttafélögum í a.m.k. fjórum íþróttahéruðum, iðkendafjöldi er að lágmarki 250 og fjöldi íþróttafélaga/deilda stendur undir mótahaldi í íþróttinni fyrir börn/ungmenni og fullorðna, óháð kyni, að mati framkvæmdastjórnar ÍSí.
- b) Hópiþróttagrein
Íþróttin er stunduð í íþróttafélögum í a.m.k. fjórum íþróttahéruðum, iðkendafjöldi er að lágmarki 500 og fjöldi íþróttafélaga/deilda stendur undir mótahaldi í íþróttinni fyrir börn/ungmenni og fullorðna, óháð kyni, að mati framkvæmdastjórnar ÍSí.
- Þrátt fyrir liði a) og b) getur framkvæmdastjórn ÍSí, að fenginni heimild Íþróttapings ÍSí, stofnað til sérsambands fyrir íþrótt sem uppfyllir ekki skilyrði um útbreiðslu í fjórum íþróttahéruðum vegna skorts á sérhæfðri aðstöðu um fyrirsjáanlega framtíð og viðkomandi íþrótt uppfyllir öll önnur skilyrði sem sett eru fyrir stofnun sérsambands.
- 50.2. Heimilt er framkvæmdastjórn ÍSí að hafa forgöngu um að leggja niður sérsamband ef íþróttagreinin er ekki stunduð a.m.k. innan þriggja héraðssambanda/íþróttabandalaga.
- 50.3. Þegar stofnun sérsambands er ákveðin, skal framkvæmdastjórn ÍSí tilkynna það öllum héraðssamböndum/íþróttabandalögum og félögum þar sem viðkomandi íþróttagrein er stunduð og boða þessa aðila til stofnþings. Hvert héraðssamband/íþróttabandalag og hvert félag skal eiga kost á einum fulltrúa á stofnþingi. Eftir stofnun sérsambandsins heyra öll sérgreinamál íþróttarinnar undir stjórn þess.
- 50.4. Þegar niðurlagning sérsambands er ákveðin skal framkvæmdastjórn ÍSí tilkynna viðkomandi héraðssamböndum/íþróttabandalögum það bréflega.
- 50.5. Lög sérsambands og lagabreytingar, sem gerðar kunna að verða, skulu lagðar fyrir framkvæmdastjórn ÍSí til staðfestingar.

8. KAFLI SÉRRÁÐ

51. grein

- 51.1. Sérráð er samband þeirra félaga og félagsdeilda í íþróttahéraði, sem hafa iðkun sömu íþróttar á stefnuskrá sinni. Það fjallar um sérfræðileg málefni íþróttagreinar innan héraðsins. Um önnur mál er sérráð háð hlutaðeigandi héraðssambandi/íþróttabandalagi.





52. grein

- 52.1. Þar sem tvö eða fleiri íþróttafélög hafa iðkun sömu íþróttagreinar á stefnuskrá sinni, má héraðssamband/íþróttabandalag stofna sérráð.
- 52.2. Héraðssambönd/íþróttabandalög skulu setja starfsreglur um sérráð sem kynna þarf sérsambandi í viðkomandi íþróttgrein.

53. grein

- 53.1. Sérráði er stjórnað af sérráðsstjórn, sem skipuð er af stjórn viðkomandi héraðssambands/íþróttabandalags eða eftir annarri aðferð sem kveðið er á um í starfsreglum viðkomandi sérráðs.

9. KAFLI ALMENNINGSÍÞRÓTTIR

54. grein

- 54.1. Framkvæmdastjórn ÍSÍ er æðsti aðili varðandi almenningsíþróttir, innan íþróttahreyfingarinnar. Skal stjórnin leggja áherslu á að efla þennan þátt í starfsemi íþróttahreyfingarinnar, bæði með verkefnum á sínum vegum en einnig skulu sambandsaðilar ÍSÍ sinna þessum þætti eftir föngum.

10. KAFLI ÝMIS ÁKVÆÐI

55. grein – Merki ÍSÍ

- 55.1. Merki ÍSÍ skal sýna gjósandi eldfjall hvílandi á Ólympíuhringjunum. Þrjár rauðar eldtungur eru tákni innri krafts, hreysti og hins ólympíska elds. Fjallið er stílfært úr fimm röndum í íslensku fánalitunum, blá og hvít til hvorrar hliðar og ein rauð í miðju.
- 55.2. Fáni ÍSÍ er hvítur með merki ÍSÍ í miðju.
- 55.3. Komi til álita að breyta fána eða merki ÍSÍ skal ákvörðun um það af hálfu Íþróttapings borin undir framkvæmdastjórn Alþjóðaólympíunefndarinnar, enda ber að leita samþykkis hennar við fána, merki eða einkennislagi, sem ÍSÍ noti í starfsemi sinni, þar á meðal á Ólympíuleikunum.

56. grein – Merki Alþjóðaólympíunefndarinnar, IOC

- 56.1. Alþjóðaólympíunefndin, IOC, hefur einkarétt á allri notkun Ólympíutáknansins, Ólympíufánans, Ólympíukjörorðsins og Ólympíuóðsins svo sem lýst er í Ólympíusáttmálanum. ÍSÍ hefur einkarétt á notkun þessara tákna hér á landi fyrir hönd IOC. ÍSÍ er ekki heimilt að nota táknið né fánann, nema með samþykki IOC.





57. grein – Heiðursforseti

- 57.1. Íþróttabing kýs heiðursforseta ÍSí og þarf samþykki 4/5 hluta viðstaddra þingfulltrúa til að kjörið teljist gilt.
- 57.2. Heiðursforseti ÍSí hefur rétt til setu á framkvæmdastjórnarfundum, formannafundum og á Íþróttabingum, með málfrelsi og tillögurétti.
- 57.3. Heiðursforseti kemur fram fyrir hönd sambandsins, þegar framkvæmdastjórn eða forseti fela honum það.

58. grein – Heiðursfélagar

- 58.1. Framkvæmdastjórn má kjósa Heiðursfélaga og skal kjöri lýst á Íþróttabingi.
- 58.2. Heiðursfélagar ÍSí hafa rétt til setu á Íþróttabingum með málfrelsi og tillögurétti.

59. grein – Félagsslit

- 59.1. Í lögum allra aðila að sambandinu skulu vera ákvæði um félagsslit svo og um ráðstöfun eigna sambandsaðila, þegar samtök slíkra aðila leysast upp eða hafa hætt störfum, að dómi framkvæmdastjórnar.

60. grein – Slit ÍSí

- 60.1. ÍSí verður ekki slitið nema á Íþróttabingi og þá því aðeins, að 4/5 hlutar atkvæðisbærra fulltrúa, þeirra er rétt eiga til setu á Íþróttabingi, samkvæmt lögum þessum samþykki þá ráðstöfun.
- 60.2. Með slíkri samþykkt er störfum þess þings tafarlaust lokið, en fráfarandi stjórn skal sitja áfram með fullu umboði. Skal hún boða til annars Íþróttabings sex mánuðum síðar. Sé þá aftur samþykkt með atkvæðum a.m.k. 4/5 hlutum atkvæðisbærra fulltrúa að slíta sambandinu, skulu það heita lögleg sambandsslit.

61. grein – Ráðstöfun eigna

- 61.1. Sé ÍSí þannig löglega slitið, skulu allar eignir þess renna í einn sjóð.
- 61.2. Höfuðstól sjóðsins má aldrei skerða, en 2/3 hlutum ársvaxta hans skal varið til styrktar uppeldis- og íþróttamála eftir ákvörðun þriggja manna nefndar.
- 61.3. Nefnd þessi skal þannig skipuð, að einn nefndarmanna sé tilnefndur af fráfarandi stjórn, annar sé tilnefndur af ráðuneyti íþróttamála og sá þriðji sé tilnefndur af Hæstarétti, og sé hann jafnframt formaður.
- 61.4. Falli nefndarmaður frá, tilnefnir Hæstiréttur mann í staðinn, þannig að nefndin sé ávallt fullskipuð.

62. grein – Brottrekstur

- 62.1. Ekki er unnt að víkja sambandsaðila úr ÍSí nema með samþykki Íþróttabings og þá því aðeins, að 2/3 hlutar atkvæðisbærra fulltrúa, þeirra er rétt eiga til setu á Íþróttabingi samkvæmt lögum þessum, samþykki þá ráðstöfun.

63. grein – Lagabreytingar





- 63.1. Lögum þessum verður ekki breytt nema á Íþróttapingi og þá aðeins með a.m.k. 2/3 hlutum atkvæða viðstaddra atkvæðisbærra fulltrúa.

64. grein – Túlkun gagnvart Ólympíusáttmálanum

- 64.1. Lög ÍSí skulu jafnan vera í samræmi við Ólympíusáttmálann, að því leyti sem hann getur átt við, og skírskota til hans berum orðum. Breytingar á lögnum frá því, sem Alþjóðaólympíunefndin hefur staðfest, skulu sendar nefndinni til staðfestingar með sama hætti, í endurriti, sem forseti og framkvæmdastjóri ÍSí votta fyrir þess hönd.
- 64.2. Leiki einhver vafi á um gildissvið eða túlkun laga ÍSí eða gæti misræmis í ákvæðum þeirra við Ólympíusáttmálann, sem í gildi er á hverjum tíma, skal farið eftir Ólympíusáttmálanum um öll atriði sem hann nær yfir.
- 64.3. Sérhverri ákvörðun eða dómi, sem Áfrýjunardómstóll ÍSí kveður upp, má skjóta með áfrýjun til Íþróttadómstólsins (Court of Arbitration for Sport) í Lausanne, Sviss, sem leysir þá endanlega úr ágreiningsmálinu í samræmi við Reglur um gerðardómsmeðferð mála á íþróttasviði (Code of Sports-Related Arbitration). Áfrýjunarfrestur er 21 dagur frá því að málsaðili fær í hendur þá ákvörðun, sem áfrýjunin varðar.

65. grein – Reglugerðir

- 65.1. Framkvæmdastjórn ÍSí setur með reglum og reglugerðum nánari ákvæði um framkvæmd laga þessara. Ákvæði regna og reglugerða sem nú eru í gildi, halda gildi sínu að því leyti sem ákvæði þeirra fara ekki í bága við lög ÍSí.

66. grein – Gildistaka

- 66.1. Lög þessi öðlast gildi við þingslit Íþróttapings ÍSí og falla þá eldri lög úr gildi.

Samþykkt á 76. Íþróttapingi ÍSí 6. maí 2023

Áskorun sem fylgdi frávísunartillögu sem samþykkt var á þinginu

Áskorun til framkvæmdastjórnar ÍSí

76. Íþróttaping ÍSí, haldið 5. til 6. maí 2023, að Ásvöllum í Hafnarfirði, leggur til að framkvæmdastjórn ÍSí með aðkomu hagaðila, taki allt regluverk ÍSí til heildstæðrar endurskoðunar m.t.t. góðra stjórnarháttá.

Endurskoðun verði lokið og heildstæð tillaga verði lögð fram á næsta íþróttapingi.





Pingskjal nr. 3

Tillaga um afreksstefnu ÍSÍ

76. Íþróttaping ÍSÍ, haldið 5. til 6. maí 2023, að Ásvöllum í Hafnarfirði, samþykkir eftirfarandi stefnuyfirlýsingu Íþróttá- og Ólympíusambands Íslands í afreksmálum.

AFREKSSTEFNA ÍSÍ

Sameiginlegt markmið íþróttahreyfingarinnar er að Íslendingar eigi hverju sinni afreksfólk og afreksflokka í íþróttum er skipi sér á bekk með þeim bestu í heiminum. Í því felst að efla hæfni og færni þeirra sem að afreksíþróttastarfinu koma og sem vinna með afreksíþróttafólki, tryggja möguleika afreksíþróttafólks framtíðarinnar til að ná settu marki, stuðla að bættum aðstæðum íþróttafólks og efla þjálfarakunnáttu.

Til þess að ná settu marki ber íþróttahreyfingunni að setja sér tímasettar markvissar áætlanir sem tengjast afreksíþróttastarfinu, svo sem um frammistöðu á skilgreindum stórmótum. Íþróttahreyfingin þarf að stuðla að framförum og framþróun í afreksíþróttastarfinu á sem víðtækastan hátt.

Mikilvægt er að tryggja gott aðgengi afreksíþróttafólks að íþróttamannvirkjum og að sérsambönd fái aðgengi að íþróttamannvirkjum vegna æfinga og keppni. Aðstaða til æfinga og keppni skal jafnan uppfylla þær kröfur sem gerðar eru til afreksíþróttá samkvæmt afreksstefnum sérsambanda ÍSÍ.

ÍSÍ skal í samvinnu við sérsambönd ÍSÍ móta tímasett markmið og aðgerðaáætlanir vegna þeirra og kynna þau fyrir hreyfingunni, sem og framvindu þeirra. Skulu þau markmið vera mælanleg og aðgerðaráætlanir framkvæmanlegar og taka mið af þeim markmiðum og viðfangsefnum sem getið er um í afreksstefnu þessari.

ÍSÍ skal jafnframt skilgreina alþjóðleg mót í samvinnu við hvert sérsamband ÍSÍ og tilkynna sambandsaðilum um slíkar skilgreiningar. Alþjóðleg mót skulu jafnan skilgreind í þrjá flokka, A, B og C og skulu eftirfarandi skilgreiningar vera til hliðsjónar.

Vegna flokks A sem jafnframt flokkast sem stórmót: Mót á efsta stigi viðkomandi íþróttagreinar í fullorðins flokkum enda sé tiltekinn fjöldi þátttökuþjóða í slíkum mótum, s.s. Ólympíuleikar, Paralympics, heimsmeistaramót, Evrópumót eða önnur sambærileg mót. Í öðrum flokkum eru skilgreind mót sem flokkast neðar hvað varðar mikilvægi og stærð hjá hverju sérsambandi fyrir sig.

ÍSÍ skal á hverjum tíma skilgreina viðmið afreka í samvinnu við hvert sérsamband ÍSÍ og kynna innan íþróttahreyfingarinnar slík viðmið. Eftirfarandi skilgreiningar skulu vera til hliðsjónar varðandi einstaklinga og flokka, en:

- Um framúrskarandi íþróttafólk eða flokk er þá fyrst að ræða þegar einstaklingur eða flokkur skipar sér með árangri sínum í fremstu röð í heiminum.
- Afreksfólk eru þeir einstaklingar/flokkar sem standast viðmið í viðkomandi íþróttagreini sem skilgreind eru af viðkomandi sérsambandi.
- Afreksefni teljast þeir einstaklingar/flokkar sem ekki hafa náð jafn langt en taldir eru með markvissri þjálfun geta skipað sér á bekk með þeim bestu.





Gæta skal að því að afreksíþróttastarf sérsambanda hefjist ekki of snemma heldur sé það hlutverk íþróttafélaga að vinna með börnum og unglingum upp að vissum aldri. Viðmiðunaráldur sé unglingastig grunnskóla, þ.e. að starfsemi sérsambanda nái ekki neðar í aldri. Sérsambönd geta þó haft áhrif á starf íþróttafélaga gagnvart yngri þátttakendum með réttum leiðbeiningum og aðhaldi.

Öll vinna að því að ná settu marki í afreksíþróttum skal eiga sér stað innan siðferðisgilda íþróttahreyfingarinnar.

Stefna ber að því að ástundun afreksíþróttafólks sé hluti af lífsmunstri og það að einstaklingurinn helgi íþróttinni krafta sína komi ekki niður á þroska hans og undirbúningi undir að takast á við lífið að íþróttiferli loknum.

Mikilvægt er að efla aðkomu íþróttahéraða að afreksíþróttastarfinu. Æskilegt er að hvert íþróttahérað skilgreini sínar áherslur og stefnu í afreksíþróttastarfi, eftir því sem við á.

Stefnuýfirlýsing Íþrótt- og Ólympíusambands Íslands í afreksmálum skal vera til umfjöllunar á Íþróttapingi ÍSí hverju sinni.

Helstu markmið og viðfangsefni í afreksíþróttastarfinu

Afrek er uppskera margra ára markvissrar starfsemi og lítil von er um árangur án faglegra vinnubragða og viðunandi starfsumhverfis íþróttafólksins til að þroska hæfileika sína.

Leiðarljós Afreksstefnu ÍSí er að bæta það umhverfi sem afreksíþróttir búa við. Markmið og viðfangsefni í afreksíþróttastarfinu eru m.a. að:

Markmið/viðfangsefni	Leiðir	Mæling
Hækka afreksstig íslenskra íþróttara. Fjölga íþróttafólki á efsta getustigi í sem flestum íþróttageinum. Efla þátttöku sérsambanda ÍSí í alþjóðlegum mótum. Fleiri keppendur taki þátt í alþjóðlegum stórmótum á efsta stigi. Íslenskir keppendur nái sem bestum árangri á alþjóðlegum stórmótum.	Styðja við starfsemi sambandsaðila á sem víðtækastan hátt. Sem flest sérsambönd setji sér raunhæfar tímasettar áætlanir til að efla afreksstarf innan sérsambands og íþróttafélaga. Hvert sérsamband móti raunhæfar áætlanir til að efla þátttöku á alþjóðlegum mótum. Sem flest sérsambönd vinni að því að eiga keppendur á alþjóðlegum stórmótum á efsta stigi. Sem flest sérsambönd vinni að því að ná sem bestum árangri á alþjóðlegum stórmótum. Sérsambönd ÍSí leiti leiða til að jafna hlut kynja í landsliðsstarfi.	Mat á árangri íslenskra keppenda á alþjóðlegum stórmótum. Fjöldi keppenda á efsta getustigi innan sérsambanda ÍSí. Fjöldi aðila í landsliðsverkefnum sérsambanda ÍSí. Kynjahlutfall íslenskra keppenda í landsliðsstarfi sérsambanda ÍSí.





Markmið/viðfangsefni	Leiðir	Mæling
<p>Beita sér fyrir bættri aðstöðu til æfinga fyrir afreksíþróttir á vettvangi sveitarfélaga, ríkis og einkaaðila.</p> <p>Taka til skoðunar ferlamál fatlaðs afreksíþróttafólks .</p>	<p>Hvert sérsamband ÍSÍ skilgreini þá aðstöðu sem nauðsynleg er fyrir afreksíþróttafólk sem kynnt er fyrir sveitarfélögum, ríki og einkaaðilum.</p> <p>Stuðla að því að sem flest sérsambönd hafi aðgengi að skilgreindum þjóðarleikvangi sem uppfyllir alþjóðlegar kröfur.</p> <p>Hvetja opinbera- og einkaaðila til að styrkja landsliðsæfingar og/eða afreksæfingar á vegum sérsambanda ÍSÍ.</p> <p>Efla aðgengi afreksíþróttanna að þeim íþróttamannvirkjum sem eru til staðar, jafnt fyrir fatlað sem ófatlað afreksíþróttafólk.</p>	<p>Fjöldi mannvirkja sem uppfylla kröfur sérsambanda ÍSÍ um aðstöðu til æfinga fyrir afreksíþróttir.</p> <p>Fjöldi skilgreindra þjóðarleikvanga á Íslandi.</p> <p>Fjármagn opinberra- og einkaaðila sem fer til æfinga á vegum sérsambanda ÍSÍ.</p> <p>Fjöldi tíma sem úthlutað er til sérsambanda ÍSÍ vegna æfinga.</p> <p>Upplýsingar um bætt aðgengi afreksíþróttafólks að íþróttamannvirkjum.</p>
<p>Stuðla að og miðla niðurstöðum rannsókna á sviði íþrótt- og þjálfunarvísinda til þjálfara, íþróttafólks og annarra er málið varðar.</p> <p>Stuðla að og efla samráð og upplýsingaþjónustu á sviði heilbrigðisvísinda íþróttanna/ íþróttahélsufræði.</p>	<p>Efla samvinnu við háskólastofnanir og þá aðila sem sinna rannsóknum á Íslandi.</p> <p>Efla samvinnu við fagfélög er tengjast heilbrigðisvísindum íþróttanna.</p> <p>Fjölga þeim fræðsluviðburðum er miðla niðurstöðum rannsókna á sviði íþrótt- og þjálfunarvísinda.</p> <p>Miðla upplýsingum um heilbrigðisvísindi íþróttanna, s.s. á heimasíðu ÍSÍ.</p>	<p>Fjöldi fræðsluviðburða er miðla niðurstöðum rannsókna.</p> <p>Fjöldi fréttanna og greina er birtast á miðlum ÍSÍ um heilbrigðisvísindi íþróttanna, miðlun rannsókna og niðurstaðna þeirra.</p>
<p>Veita hvers kyns ráðgjöf og stuðning er getur orðið til að efla afreksíþróttafólk, bæði meðan á keppni þeirra stendur og að loknum keppnisferli.</p>	<p>Efla starfsemi Íþróttamannanefndar ÍSÍ.</p> <p>Efla starfsemi Samtaka Íslenskra Ólympíufara (SÍÓ).</p> <p>Efla starfsemi Afreksíþróttamiðstöðvar ÍSÍ.</p>	<p>Fjöldi reglubundinna skoðanakannana meðal afreksíþróttafólks.</p> <p>Fjöldi fræðsluviðburða á vegum SÍÓ og/eða Íþróttamannanefndar ÍSÍ.</p> <p>Fjöldi skráðra mælinga í gagnagrunn Afreksíþróttamiðstöðvar ÍSÍ.</p>





Markmið/viðfangsefni	Leiðir	Mæling
<p>Stuðla að og miðla niðurstöðum rannsókna á sviði íþrótt- og þjálfunarvísinda til þjálfara, íþróttafólks og annarra er málið varðar.</p> <p>Stuðla að og efla samráð og upplýsingaþjónustu á sviði heilbrigðisvísinda íþróttanna/íþróttahélsufræði.</p>	<p>Efla samvinnu við háskólastofnanir og þá aðila sem sinna rannsóknum á Íslandi.</p> <p>Efla samvinnu við fagfélög er tengjast heilbrigðisvísindum íþróttanna.</p> <p>Fjölga þeim fræðsluviðburðum er miðla niðurstöðum rannsókna á sviði íþrótt- og þjálfunarvísinda.</p> <p>Miðla upplýsingum um heilbrigðisvísindi íþróttanna, s.s. á heimasíðu ÍSí.</p>	<p>Fjöldi fræðsluviðburða er miðla niðurstöðum rannsókna.</p> <p>Fjöldi fréttanna og greina er birtast á miðlum ÍSí um heilbrigðisvísindi íþróttanna, miðlun rannsókna og niðurstaðna þeirra.</p>
<p>Veita hvers kyns ráðgjöf og stuðning er getur orðið til að efla afreksíþróttafólk, bæði meðan á keppni þeirra stendur og að loknum keppnisferli.</p>	<p>Efla starfsemi Íþróttamannanefndar ÍSí.</p> <p>Efla starfsemi Samtaka íslenskra Ólympíufara (SÍÓ).</p> <p>Efla starfsemi Afreksíþróttamiðstöðvar ÍSí.</p>	<p>Fjöldi reglubundinna skoðanakannana meðal afreksíþróttafólks.</p> <p>Fjöldi fræðsluviðburða á vegum SÍÓ og/eða Íþróttamannanefndar ÍSí.</p> <p>Fjöldi skráðra mælinga í gagnagrunn Afreksíþróttamiðstöðvar ÍSí.</p>
<p>Skapa kjöraðstæður fyrir afreksíþróttafólk innan skólakerfis og á almennum vinnumarkaði til að ná árangri samhliða námi og starfi.</p>	<p>Ná samningum við LÍN um meiri sveigjanleika fyrir afreksíþróttafólk í námi.</p> <p>Stuðla að bættum réttindum afreksíþróttafólks innan hins opinbera kerfis, s.s. rétt til fæðingarorlofs og fjölda viðverudaga erlendis á ári vegna íþróttaviðburða.</p> <p>Stuðla að bættu aðgengi afreksíþróttafólks til fjarnáms á mennta- og háskólastigi.</p> <p>Styðja við þróun afreksíþróttabrauta í framhaldsskólum.</p> <p>Skólar viðurkenni fjarveru afreksíþróttafólks vegna landsliðsverkefna.</p>	<p>Fjöldi afreksíþróttafólks sem er í námi samhliða íþróttaiðkun.</p> <p>Fjöldi afreksíþróttafólks sem getur stundað vinnu samhliða íþróttaiðkun.</p> <p>Upplýsingar um sérúrræði í opinberum reglugerðum varðandi afreksíþróttafólk.</p> <p>Fjöldi afreksíþróttafólks í viðurkenndu fjarnámi á mennta- og háskólastigi.</p> <p>Fjöldi framhaldsskóla er bjóða upp á afreksíþróttabrautir.</p> <p>Fjöldi skóla sem viðurkenna fjarveru vegna landsliðsverkefna.</p>





Markmið/viðfangsefni	Leiðir	Mæling
Efla þekkingu þjálfara, dómara og annarra sem koma að afreksíþróttastarfi á Íslandi þannig að þeir séu á heimsmælikvarða.	Auka framboð af fræðsluviðburðum sem höfða til þjálfara, dómara og annarra þátttakenda í afreksíþróttastarfinu. Veita styrki til þjálfara, dómara og annarra þátttakenda í afreksíþróttastarfi til að sækja sér framhaldsþekkingu.	Fjöldi fræðsluviðburða fyrir þjálfara, dómara og annarra í fremstu röð. Fjöldi styrkja sem veittir eru til þjálfara, dómara og annarra til að vera á heimsmælikvarða í viðkomandi íþróttagrein.
Jafna kynjahlutfall þjálfara, dómara og annarra sem koma að afreksíþróttastarfi.	Sérsambönd ÍSí leiti leiða til að jafna hlut kynja í tengslum við landsliðs- og afreksíþróttastarf.	Kynjahlutfall þátttakenda í landsliðs- og afreksíþróttastarfi sérsambanda ÍSí.
Veita afreksíþróttafólki/flokkum fjárhagslegan stuðning.	Framlög ríkis, sveitarfélaga og styrktaraðila til afreksstarfs aukist.	Upphæð fjármagns til afreksíþróttanna í reikningum íþróttahreyfingarinnar.

Afreksstefnur sérsambanda

Sérsambönd ÍSí skulu hafa mótaða afreksstefnu sem uppfyllir leiðbeinandi ramma ÍSí fyrir afreksstefnur. Í afreksstefnu sérsambands skal meðal annars fjallað um skilgreiningar á afrekum og flokkun alþjóðlegra móta, kröfur um aðstöðu vegna afreksíþróttanna, kröfur vegna menntunar dómara og þjálfara í afreksíþróttastarfi og skipulags heilbrigðisteymis viðkomandi sérsambands.

Mismunandi kröfur varðandi tímalengd og innihald afreksstefnu skulu gerðar til sérsambanda miðað við afreksstarf sérsambandsins.

Afreksstefnan er leiðin að langtímamarkmiðum viðkomandi íþróttagreinar og tekur á þeim þáttum sem snúa að afreksstarfi í viðkomandi íþróttagreinum. Stefnan ákvarðar þá leið sem sérsambandið og aðilar þess vilja starfa eftir og hvernig nýta á auðlindir sambandsins til að ná settum markmiðum. Með auðlindum er jafnt átt við fjármuni, aðstöðu, búnað og mannauð viðkomandi íþróttagreinar.

Stefnan skal vera til umfjöllunar á sérsambandsþingi eða formannafundi sérsambands hverju sinni og skal borin upp til staðfestingar á sérsambandsþingi.

Sérsamband skal leggja áherslu á að kynna stefnuna fyrir aðildarfélögum og deildum, þjálfurum, iðkendum, aðstandendum íþróttafólksins og öðrum þeim sem stefnan tengist.

Afreksstefna sérsambands skal vera aðgengileg á heimasíðu viðkomandi sérsambands.

Afrekssvið ÍSí skal gefa út ramma fyrir afreksstefnur og leiðbeiningar vegna mótunar afreksstefna sérsambanda og kynna fyrir sambandsaðilum.

Stoðþjónusta afreksíþróttanna

Heilbrigðisteymi ÍSí er samnefnari heilbrigðisteyma sérsambanda ÍSí, en í heilbrigðisteymi eru þeir aðilar sem koma að heilbrigðisþáttum og íþróttamælingum viðkomandi íþróttagreinar, s.s. lækna, sjúkrapjálfarar, sálfræðingar, næringarfræðingar, lífeðlisfræðingar,





Íþróttafraeðingar og aðrir fagaðilar tengdir sérsamböndum ÍSí, heilbrigðiskerfinu og menntastofnunum.

Efla þarf aðgengi afreksíþróttafólks að þessum aðilum og öðru sérhæfðu fagfólki sem getur aðstoðað afreksíþróttafólk við að bæta árangur sinn og forðast óæskilegt álag og meiðsli. Jafnframt er mikilvægt að heilbrigðisteymin komi að fræðsluverkefnum fyrir sérsamböndin.

Afreksíþróttamiðstöð ÍSí er vettvangur íþróttamælinga og þjónustu við sérsambönd ÍSí og afreksíþróttafólk. Í gegnum miðstöðina skal lögð áhersla á að auka íþróttamælingar í tengslum við afreksíþróttastarf og stuðla að bættum árangri og að fyrirbyggja meiðsli í tengslum við afreksíþróttir.

Afrekssjóður ÍSí

Um Afrekssjóð ÍSí gildir sérstök reglugerð er framkvæmdastjórn ÍSí setur.

Meginhlutverk Afrekssjóðs ÍSí í uppbyggingu afreksíþróttar á Íslandi er að styðja afreksstarf sérsambanda fjárhagslega og þar með íslenskt afreksíþróttafólk við að ná árangri í alþjóðlegri keppni. Forsenda styrkveitinga er að sérsambönd hafi markvissa og raunhæfa afreksstefnu, ásamt aðgerðaráætlun. Stuðningur sjóðsins felst í fjárframlögum vegna verkefna sem skulu vera fyrir fram skilgreind í aðgerðaráætlun viðkomandi sérsambands.

Eingöngu sérsambönd innan ÍSí eiga rétt á að sækja um styrk til sjóðsins. Þannig verður Afrekssjóður ÍSí sérsamböndum til aðstoðar við að efla og bæta afreksíþróttastarf sitt.

Við skipan í stjórn sjóðsins skal gætt að því að hlutfall kynja sé sem jafnast. Upplýsingar um styrkveitingar skulu birtar á heimasíðu ÍSí, en auk þess skal árlega gefin út ársskýrsla Afrekssjóðs ÍSí þar sem upplýsingar um styrkveitingar koma fram sem og áherslur ársins.

Reglugerð Afrekssjóðs ÍSí skal taka mið af Afreksstefnu ÍSí og þeim viðmiðum í afreksstarfi sem framkvæmdastjórn ÍSí hefur skilgreint í samvinnu við sérsambönd ÍSí.

Sameiginleg ábyrgð

Íþróttahreyfingin verður öll að axla sameiginlega ábyrgð á því að framfylgja afreksstefnu ÍSí og skiptir þá öllu að ríkur metnaður til starfsins sé fyrir hendi jafnt hjá ÍSí, sérsamböndum, íþróttahéruðum og félögum, sem og afreksíþróttafólkinu sjálfu.

Þingskjal nr. 4

Þakkir til stjórnvalda vegna COVID-19 stuðnings

76. Íþróttaping ÍSí, haldið 5. til 6. maí 2023, að Ásvöllum í Hafnarfirði, þakkar stjórnvöldum fyrir mikilvægan fjárhagsstuðning til íþróttar- og æskulýðsstarfs í tengslum við heimsfaraldur COVID-19. Þingið hvetur stjórnvöld til áframhaldandi stuðnings gegn mögulegum langtímaáhrifum faraldursins á íþróttar- og æskulýðsstarfið í landinu.





Pingskjal nr. 5

Tillaga um sjálfbóðaliðastarf íþróttahreyfingarinnar

76. Íþróttaping ÍSÍ, haldið 5. til 6. maí 2023, að Ásvöllum í Hafnarfirði, felur ÍSÍ að efla fræðslu og vinna verkferla um hin ýmsu verkefni sem sjálfbóðaliðum eru falin innan íþróttahreyfingarinnar og leitast þannig við að bæta stöðu og starfsumhverfi sjálfbóðaliða innan íþróttahreyfingarinnar.

Jafnframt er íþróttahreyfingin hvött til að hlúa vel að sjálfbóðaliðum í íþróttastarfi og skapa jákvætt og aðlaðandi vinnuumhverfi fyrir pá.

Pingskjal nr. 6

Tillaga um að efla aðgengi allra að íþróttahreyfingunni

76. Íþróttaping ÍSÍ, haldið 5. til 6. maí 2023, að Ásvöllum í Hafnarfirði, hvetur íþróttahreyfinguna til samstarfs um verkefnið „Farsælt samfélag fyrir öll - brúum bilið“, sem miðar að því að efla íþróttástandun fatlaðs fólks, ekki síst fatlaðra barna og ungmenna.

Pingskjal nr. 7

Tillaga um lýðheilsu

76. Íþróttaping ÍSÍ, haldið 5. til 6. maí 2023, að Ásvöllum í Hafnarfirði, hvetur ríki og sveitarfélög til að gera íþróttahreyfinguna, (sér sambönd, íþróttahéruð og íþróttafélög) að lykilaðila í að hvetja þjóðina til að auka við hreyfingu og taka þannig beinan þátt í að bæta lýðheilsu allra.

Pingskjal nr. 8

Tillaga um sjálfbærnistefnu ÍSÍ

76. Íþróttaping ÍSÍ, haldið 5. til 6. maí 2023, að Ásvöllum í Hafnarfirði, samþykkir svohljóðandi Sjálfbærnistefnu ÍSÍ:

SJÁLFBÆRNISTEFNA ÍSÍ

ÍSÍ mun leitast við, með heimsmarkmið Sameinuðu þjóðanna að leiðarljósi, að fylgja ákvæðum alþjóðlegra samþykpta og innlendra áætlana um sjálfbæra þróun, ásamt stefnu Alþjóða ólympíunefndarinnar (IOC) um sjálfbærnimál.





ÍSí mun taka frumkvæði við að innleiða sjálfbærni í kjarnastarfsemi sína og draga úr umhverfisáhrifum, m.a. við orkunýtingu, minnkun úrgangs og umhverfisvænum samgöngum.

ÍSí hefur einsett sér að vinna að stöðugum umbótum á eigin frammistöðu í umhverfislegu, efnahagslegu og félagslegu tilliti.

ÍSí mun setja sér mælanleg markmið og stuðla með góðum stjórnarháttum að því að árangur náist til eflingar á sjálfbærni sambandsins.

Jafnframt mun sambandið leiðbeina og liðsinna aðilum innan hreyfingarinnar í starfi þeirra á þessu sviði.

Við gildistöku stefunnar fellur úr gildi Umhverfisstefna ÍSí sem samþykkt var á 72. Íþróttáþingi ÍSí árið 2015.

Þingskjal 9

Tillaga um Þjóðarleikvanga

76. Íþróttáþing ÍSí, haldið 5. til 6. maí 2023, að Ásvöllum í Hafnarfirði, hvetur ríki og sveitarfélög að halda áfram vinnu við uppbyggingu þjóðarleikvanga fyrir sem flestar íþróttagreinar þannig að áfram verði hægt að keppa í alþjóðlegum viðburðum á Íslandi.

Jafnframt eru þau hvött til þess að vinna að því að sérsambönd ÍSí hafi aðgang að aðstöðu fyrir öll sín landslið og afreksíþróttafólk.

Þingskjal 10

Tillaga um skipulag íþróttahéraða

76. Íþróttáþing ÍSí, haldið 5. til 6. maí 2023, að Ásvöllum í Hafnarfirði, samþykkir að ÍSí, í samráði við UMFÍ og íþróttahéruðin, vinni að því að setja á laggirnar starfsstöðvar um landið, til stuðnings íþróttahéruðum landsins. Verkefnið feli hvorki í sér breytingu á lýðræðislegri skiptingu íþróttahéraða né breytingar á atkvæðaskiptingu á þingum ÍSí og UMFÍ.

Skilyrði fyrir slíkum starfsstöðvum er að hægt verði að tryggja fjárstuðning frá ríkinu til verkefnisins, með hliðsjón af svæðisskiptum verkefnum ríkisins sem falla vel með verkefnum og skyldum íþróttahreyfingarinnar.





Pingskjal 11

Tillaga um fjárhagsáætlun 2023-2024

76. Íþróttaping ÍSÍ, haldið 5. til 6. maí 2023, að Ásvöllum í Hafnarfirði, samþykkir eftirfarandi fjárhagsáætlun fyrir árin 2023-2024:

REKSTRARTEKJUR	Rauntölur 2022	Áætlun 2023	Áætlun 2024
1. Framlag ríkissjóðs	787.200.000	790.900.000	923.000.000
2. Framlög frá Ísl.getspá og Ísl.getraunum	1.277.197.967	1.171.000.000	1.202.000.000
3. Erlendir styrkir frá IOC og EOC	95.594.485	87.850.000	97.450.000
4. Húsaleigutekjur	38.971.807	49.100.700	52.640.000
5. Aðrar tekjur	102.018.467	161.990.000	91.040.000
6. Frestaðar tekjur vegna ólympískra verkefna	(6.000.000)	25.000.000	0
	2.294.982.726	2.285.840.700	2.366.130.000

REKSTRARGJÖLD	Rauntölur 2022	Áætlun 2023	Áætlun 2024
7. Veitt framlög og styrkir	1.807.842.898	1.707.077.500	1.847.643.000
8. Skrifstofu- og stjórnunarkostnaður	173.904.013	246.810.000	258.500.000
9. Fræðsla og almenningsíþróttir	73.356.764	51.000.000	47.000.000
10. Afreksíþróttir og leikar	122.143.307	126.100.000	72.300.000
11. Íþróttamiðstöðin í Laugardal	72.335.588	89.100.000	82.000.000
12. Annar kostnaður	34.424.849	53.080.000	37.960.000
	2.284.007.419	2.273.167.500	2.345.403.000

13. Fjármunatekjur og (fjármagnsgjöld)	10.186.511	7.120.000	5.120.000
--	------------	-----------	-----------

AFKOMA ÁRSINS	21.161.818	19.793.200	25.847.000
----------------------	-------------------	-------------------	-------------------





Pingskjal 12

Tillaga um skiptingu á aukaframlagi frá Íslenskri getspá

76. Íþróttáþing ÍSÍ, haldið dagana 5. til 6. maí 2023 að Ásvöllum í Hafnarfirði, samþykkir að auka arðgreiðsla frá Íslenskri getspá í lok árs 2022, að upphæð kr. 116.675.000,- skiptist sem hér segir:

Greiðsla til sambandsaðila skv. úthlutunarreglum ÍSÍ vegna lottó 50% eða kr. 58.337.500,-.

Greiðsla í Viðhalds- og byggingarsjóð ÍSÍ 50% eða kr. 58.337.500,-.

Úthlutun auka arðs frá Íslenskri getspá er óviss stærð, en ef til koma auka arðgreiðslur frá Íslenskri getspá fram til Íþróttáþings árið 2025, þá verður sama hlutfall notað fyrir þær greiðslur.

Pingskjal 13

Tillaga um breytingu á skiptingu tekna frá Íslenskri getspá

76. Íþróttáþing ÍSÍ, haldið 5. til 6. maí 2023, að Ásvöllum í Hafnarfirði, samþykkir endurskoðaða reglugerð ÍSÍ um skiptingu lottóhagnaðar.

Reglugerðin er svohljóðandi með áorðnum breytingum:

ÚTHLUTUNARREGLUR ÍSÍ VEGNA LOTTÓ

1. grein

Af óskiptu fari:

8% til Afrekssjóðs ÍSÍ,

5% til ÍSÍ,

44% til íþróttahéraða,

43% til sérsambanda.

2. grein

Hluta íþróttahéraða verði skipt þannig:

15% - til reksturs svæðisskrifstofa íþróttahéraða

85% eftir íbúafjölda 18 ára og yngri 31. desember næstliðins árs.

3. grein

Hluta sérsambanda verði skipt þannig:

27% í útbreiðslustyrk sem skiptist þannig:

50% jafnt,





10% miðað við iðkendur,
40% skv. ákvörðun framkvæmdastjórnar ÍSí.

73% sem hefðbundin lottóúthlutun sem skiptist þannig:

15% jafnt - óháð stærð þeirra,
85% eftir umfangi/stærð samkvæmt ákvörðun framkvæmdastjórnar.

4. grein

Ágóði af rekstri Íslenskrar getspár skal notaður til eflingar íþróttar í landinu. Eingöngu má veita ágóðanum til íþróttagreina sem eru viðurkenndar af ÍSí og uppfylla þar með alþjóðlegar lyfjaeftirlitsreglur.

Fyrirvari:

Þessar breytingar taka gildi eftir að eftirfarandi hefur átt sér stað:

- Að sambærilegar breytingar verði samþykktar á þingi UMFÍ í október 2023.
- Að samningar náist við ríkisvaldið um að það leggi fram sambærilegan fjárhagslegan stuðning til svæðisskrifstofa íþróttahéraða, m.a. með vísan til Farsældarlaga.

Hafi breytingar ekki komist til framkvæmda fyrir Íþróttþing ÍSí 2025, þá mun þingið taka afstöðu til framhalds málsins.

Úthlutunarreglur samþykktar á Íþróttþingi ÍSí 2023.

Þingskjal 15

Tillaga um utanumhald félagatals íþróttafélaga

76. Íþróttþing ÍSí 2023 samþykkir að framkvæmdastjórn ÍSí kanni möguleikann á því að innifalið í starfsskýrsluskilum aðildarféлага verði haldið utan um félagatal íþróttar- og ungmennafélaga með einföldum hætti.

Þingskjal 17

Tillaga um þáttöku trans fólks í íþróttum

76. Íþróttþing ÍSí, haldið 5. til 6. maí 2023, að Ásvöllum í Hafnarfirði, felur framkvæmdastjórn ÍSí að rýna í stöðu trans fólks í íþróttum, áskoranir, tækifæri og hindranir. Lögð verði fram tillaga að stefnu og mögulegum aðgerðum eigi síðar en á Formannafundi ÍSí 2024.





Pingskjal 18

Ályktun um starfsemi ólöglegra spilafyrirtækja

76. Íþróttáþing ÍSÍ, haldið 5. til 6. maí 2023, að Ásvöllum í Hafnarfirði, skorar á stjórnvöld að koma í veg fyrir auglýsingar spilafyrirtækja hér á landi sem ekki hafa starfsleyfi á Íslandi.

Jafnframt hvetur Íþróttáþing ÍSÍ stjórnvöld til að leggja sitt af mörkum við að verja íslenskan spilamarkað enn frekar fyrir ólöglegum erlendum spilafyrirtækjum, m.a. með því að loka ólögætum síðum eins og gert er í nágrannalöndum okkar sem og stuðla að banni á greiðslumiðlun til þessara aðila.

Þá hvetur Íþróttáþing ÍSÍ stjórnvöld til að tryggja starfsumhverfi Íslenskrar getspár og Íslenskra getrauna og tryggja að þessi mikilvægu fyrirtæki geti áfram stutt íþróttahreyfinguna með öflugum hætti um ókomin ár.

Pingskjal 19

Áskorun vegna ferðasjóðs íþróttafélaga

76. Íþróttáþing ÍSÍ, haldið 5. til 6. maí 2023, að Ásvöllum í Hafnarfirði, þakkar Alþingi og ríkisstjórn Íslands fyrir stuðning við Ferðasjóð íþróttafélaga. Jafnframt er skorað á Alþingi og ríkisstjórn Íslands að auka enn frekar framlag sitt, en það hefur lækkað á undanförunum árum á sama tíma og ferðakostnaður hefur hækkað umtalsvert.

Öflugur ferðasjóður er forsenda þess að hægt sé að stuðla með marktækum hætti að jafnræði íþróttaiðkenda til þátttöku í íþróttakeppni hvar sem er á landinu. Hér er því um mikilvægt byggðamál að ræða.





KOSNING TIL FRAMKVÆMDASTJÓRNAR ÍSÍ

Kosið var um sjö sæti til fjögurra ára. Eftirtaldir aðilar hlutu kosningu (í stafrófsröð):

- Daníel Jakobsson
 - Elsa Nielsen
 - Hafsteinn Pálsson
 - Hjördís Guðmundsdóttir
 - Kolbrún Hrund Sigurgeirsdóttir
 - Olga Bjarnadóttir
 - Ragnheiður Ríkharðsdóttir
-

STAÐFESTING Á FULLTRÚA ÍÞRÓTTAMANNANEFNDAR ÍSÍ TIL FRAMKVÆMDASTJÓRNAR ÍSÍ

- Kári Mímisson
-

AÐRAR KOSNINGAR Á 76. ÍÞRÓTTAÞINGI ÍSÍ

Skoðunarmenn reikninga:

- Sigríður Ármannsdóttir
- Jón Þorkelsson

Til vara:

- Halla María Helgadóttir
- Sigurjón Pétursson



**Dómstóll ÍSí:**

- Björg Ásta Þórðardóttir
- Gunnar Guðmundsson
- Halldór Frímansson
- Ólafur Björnsson
- Tanja Tómasdóttir
- Þóra Margrét Hjaltsted

Áfrýjunardómstóll ÍSí:

- Ásgeir Þór Árnason
- Gestur Jónsson
- Helga Melkorka Óttarsdóttir
- Helgi Sigurðsson
- Hulda Árnadóttir
- Karl Gauti Hjaltason

Kjörnefnd ÍSí:

- Jón Ásgeir Eyjólfsson, formaður
- Elísabet Ólafsdóttir
- Frímenn Ari Ferdinandsson
- Guðríður Aadnegard
- Guðrún Inga Sívertsen

Til vara:

- Berglind Karlsdóttir
- Jónas Egilsson

